



湖南倡義錄
坤

丙子事

共二

又?
4086
2



門文新
4086
卷2-2



湖南丙子倡義錄卷之三

列邑都有司諸公事實

古阜

趙克訥丁敏之金堤人高麗侍中文良公翁號悅軒
平龍巖祠寔公之先也八代祖通元七代祖希甫
皆判書祖夢得以孝行 贈判決事父中立進士
號斗麓公天性純孝七八歲能通孝經事親竭誠
以養其志及丁內小 餒粥廬墓友愛篤至一室
湛樂睦于宗族信 朋友講究心經性理等書學
業大進中司馬教誨子姪慷慨有古君子風焉甲



子適變與靈光進二辛惟一一等倡義募聚兵糧將赴難之際賊平輸救營門又當丙子亂以本郡倡義都有司收穀募六期會礪山同赴清州聞講和痛哭而歸絕意世事不求聞達隱遯雨溪尤勤於勵行人稱雨溪隱士語及時事必撫劍發嘆以尊懷之義爲終身大節嘗讀五賢倡義檄至王辱臣一死古今通誼未嘗不二復而流涕遂齋恨以歿

崔敬行字

號二順堂完山人叅議憲後孝行直

長號慕庵安子幼而俊英及長受學於牛溪成先生渾行誼爲世推重專心正理之學尤邃於易以

經明行粹薦授 慶基慶參奉甲子適變與道內諸公倡募義旅丙子亂又以本郡都有司募聚兵糧與同志諸義士赴難道聞媾成痛哭而歸韜晦以終鄉人享泰仁龍溪祠已丑以 朝禁撤

金地文字輝遠號怡庵義城人義城君龍庇十一代孫也義城君有功德於民享鎮民祠祖齊閔號鰲峰當壬辰亂以淳昌宰率二子旸晏草檄倡義勝戰熊峙丁酉再亂又倡義討賊錄勲著保邦要務四十二條以忠義道德建祠道溪父曙有學行贈參判季叔晏忠節於熊峙之戰倭賊壯其忠節

收屍埋戰場立標曰弔朝鮮忠肝義膽 當宁因
儒疏 贈參議公生於 萬曆癸未姿稟聰敏年
甫學語能知讀書七八歲已通大義事親純孝甘
旨定省竭其誠敬遭親喪哀毀餽粥以終三年晨
昏謁廟朔望拜墓友愛二弟和樂怡怡敦睦宗族
傾財周貧見人不善若將浼焉心經近思錄等篇
居常講究丙子亂聞 大駕播遷勸弟承旨號苔
川地粹先赴 行在與從弟地英再從弟地西應
五賢檄募得義士收聚義穀赴義陣弟地粹路塞
未達 行在而方在義陣遂同至清州聞講和相

向痛哭而歸絕意世路與弟同隱天台山下語及
時艱必憤慨流涕自靖以終享年六十二

金地英字子華號伴鶴堂怡庵地文從弟縣監昶子
縣監公當壬辰隨鰲峰勝戰熊峙與兄奉事擘扈
駕義州丙申特 除彥陽宰斬獲之功最多天將
猜疾掩匿其功妣金氏丁酉亂歿烈旌閭公家世
忠烈養親至孝甘旨定省極其誠敬以母死賊爲
終身之慟平生不近倭物友愛諸弟窮經講理修
身清謹甲子迺變與同志諸公募聚兵糧而賊平
以義穀納營門丙子亂聞南漢被圍與羣從兄弟

應五賢檄倡義赴難聞講和相向痛哭而歸隱居
鶴翎洞與諸從杜門講學終老林泉

朴光亨字述之咸陽人麗朝禮部尚書善後十五世
祖臣蕤知門下省事以討賊功封凝川公十一世
祖仁桂兵部尚書以都元帥時戰亡功封咸陽君
曾祖大立左贊成 贈領相號無患堂祖知遠歷
侍直翊衛父由孺生員號訥軒遭昏朝薦拜洗馬
辭退落鄉遜迹以終公生于 萬曆癸卯生而秀
異聰敏入學自進十歲前稱神童志氣宏偉內行
純篤事親至誠雖寒暑未嘗暫休於他所在側視

膳問寢晨夕不懈餘力則手不釋卷文藝見推當
世居喪盡禮餼粥柴毀終三年如一日服闋因廢
舉業沉潛經史旁及兵家書鄉人稱博識君子丙
子胡奴入寇 御駕播越五賢倡義傳檄公慷慨
而起爰集鄉兵收合糧餉都會礪山進至清州聞
講和痛哭而歸謝絕名利 仁廟朝別薦 除童
蒙教官暫就旋歸不復仕辛卯終享年四十九
金地西字大獻號晚聾義城人祖齊顏號竹軒受業
於河西金先生麟厚以孝行德業配享伯氏鰲峰
祠字父晟生員號思軒高齋峰敬命門人孝行出

天學有淵源甲子適亂爲義兵都有司持平地南
弟怡庵地文再從弟也公生於 萬曆壬寅幼而
穎異學語便知讀書事親至孝五六歲語輒驚人
及長學於從叔參奉安息齋習文譽誼藉氣節激
勵早廢科業以忠孝爲本專工學問沉潛心經近
思等篇性理之淵源儀則之度數一一講究以誠
窮理以理應事怡怡無忿遽之色惺惺無昏昧之
失以脩身正心四字爲一生事業及丙子南漢被
圍徵兵之 教自圍中出悲憤激烈及見五賢義
檄益自奮勵與再從兄地文地英募兵聚糧前到

清州聞和事已成相向痛哭而歸隱居東竹洞杜
門以終享年四十一

高敞

柳東輝字士明高興人 贈高興伯忠靖公號誠齋

濯七世孫 贈參判春發季子從學於沙溪金先

生門涉盡經史尤善詩禮中司馬官禁府都事

仁廟癸亥反 正錄靖 社一等丁卯亂用 扈

從江都勞錄寧 社從勲一等又值丙子亂以本

縣都有司廣募兵糧輸送義廳講和後不復仕

贈左承旨不幸無嗣文獻莫徵

柳鐵堅字汝壽高興人 贈高興伯忠靖公號誠齋
濯八世孫父東信父病祝天血指既喪築土室墓
下日進糜粥一器暮年而卒伯父東立文科正郎
值壬辰亂扈從 聖駕錄勲一等叔父東榮以邊
將戰歿壬亂公生於忠孝之家天姿魁偉制行卓
然每與季父都事公出處義理無不相諮人稱大
小疏乙卯中生員時年三十三拜 昌陵叅奉居
官清謹軍隸刻石頌之值甲子迺變 大駕播越
公聞報大慟與靈光郡守元斗杓及其郡辛進士
惟一協議濟難以本縣都有司募兵聚糧共守城

丁卯姜虜猝至沙溪金先生奉 命爲兩湖號召
使倡南士舉義以公爲召募有司公急於 御供
軍興之乏廣募兵糧輸于 行在及至丙子舉義
五賢發檄一道倡起義士公與季父東輝并爲都
有司又與族姪汝楷族孫之泰及鄉中忠烈之人
募軍與粟輸送義廳辛省齋應純盛稱公前後如
一爲 國可尚官至察訪而南漢講和後不復仕
朴奇琥字和叔號梅月軒密陽人贊成事文靖公說
十世孫 贈參議賢孫五世孫參奉漑孫公生于
萬曆戊戌天姿魁偉文章夙著孝友盡道遠近感

服嘗當忌祀罷齋之際廊下忽有火色公躬往視之有老僧獨坐公問其由答曰欲放火以試適值今日未果矣公招坐軒上厚饋酒食問本意答曰豈有怨乎居在深山飽聞誠孝之篤德化之深故欲以此試之果如所聞也因爲占山爲公幽宅亦感人之一事也當丙子之亂憤慨不已及見園中哀教五賢義檄擊節而起與一鄉同志召募兵糧將赴義廳弟奇瑄握手慟哭曰今行當有往無來何不處家事公笑曰家事在汝復何關心我國臣民知有 大明而且今日 君父辱矣臣子何

可獨生神色自若揮鞭跨馬而去左右莫不歎其節義前到清州聞出城之報北向慟哭而歸因廢舉業杜門謝世植梅種竹逍遙其間因名其軒曰梅月軒卒于戊午以壽授副護軍

曹添字思源號晚悔堂昌寧人直提學庶五世孫叅奉仁俊曾孫性剛毅有志節愛親篤摯自六七歲父母有疾而廢飲食則公輒涕泣侍側不忍暫離其誠孝蓋出於天性三十發憤讀書拳手自誓不多年而文章乃成累中鄉解志行之篤皆如是平生持守以忠孝爲務嘗曰非飭躬勵行無以揚名

作家訓成帙貽後孫規則鄉隣稱誦至今每讀古人書義烈處未嘗不扼腕興感當國忌則必蔬食三日及丙子聞虜騎猝至大駕播遷公慨然挺身與遠近同志募兵聚穀罔夜赴難聞南漢出城憤恨而歸杜門謝世公有世傳桃核杯乃提學公奉使皇明時天朝賞賜之物也公嘗感而有詩曰慕先因感物天日照杯心欲謝遺恩渥中原夢再尋公之志義可見也

柳汝諧

事實不傳

柳之泰字來甫高興人

贈高興伯忠靖公號誠齋

濯十世孫內資寺正沔六世孫孝友出天才略超倫居常有忠君憂國之志當丙子之變見圍中哀教慟哭悲悼旋見五賢檄文奮身投袂與道內同志協謀倡義募軍聚糧旋聞媾成遂痛哭而歸隱居半登山下逍遙於松竹之間蓋愛其後凋也因自號伴竹齋壽至天爵終始一節杜門以終

順天

安瑤字

順興人文成公裕後已卯名賢弘文博

士思齊堂處順玄孫壬辰殉節瑛從弟也公襲訓家庭事親至孝及遭艱廬墓三年夙抱韜略晚年

投筆登武科歷都摠府經歷當丙子亂 大駕播
遷南漢受圍見哀痛之 教涕泣不已見五賢義
檄即投袂奮起赴難聞媾成痛哭而歸忠憤義烈
照人耳目且當應壁之亂竭誠捕賊特 除務安
縣監 賜書略曰爲國除凶誰非職分投機捕賊
爾獨忠勤錯節盤根可別虞詡之利器璽書勉勵
宜循漢家之令規肆加通政之階用示賞功之意
趙時一字子健號野遺淳昌人九代祖元吉玉川府
院君號農隱建祠于淳昌武夷八代祖瑜前朝副
正號虔谷我 朝屢徵不就 世宗朝以忠孝旌

閣建祠于本府謙川六代祖智崙四兄弟同處一
亭名以相好高祖淑瓘縣監曾祖大成隱德不仕
世號梅窻處士父現以 萬曆丙午生公公天品
謹厚氣宇軒豁幼有至行九歲受尚書及長學業
高明事親至孝遭艱廬墓三年癸酉中司馬丙子
虜騎圍南漢哀痛之 教出自圍中公慟泣三日
五賢檄文亦到遂挺身奮起與道內諸公同聲倡
義時年三十一募聚兵馬使族弟元謙罔夜領送
且與經歷安瑤族弟進士時述及金挺斗竭力招
募倍日馳赴義陣聞城下之報憤然歎曰主辱而

臣不佞吾輩所耻北向痛哭而歸遂廢舉業隱耕於野戊寅元夕有詩曰可惜新年至王孫幾日回天涯草又綠樽酒不堪開時 王世子尚次虜中朴判書遂嘆曰是詩一篇都是忠義尤庵先生題其堂額曰野遺又書遵晦二字以贈晚年專心經學以人倫爲本主敬爲方爲南鄉學者所宗庚午終于家享年八十五

趙時述字學而淳昌人號月川前朝副正虔谷先生瑜八世孫相好亭察訪智崙六世孫生員暉子虔谷之忠孝相好亭之孝友載府誌公生於 萬曆

戊申天姿純粹氣宇清爽孝友出天甘腴之奉誠敬備至湛樂之情急難采雋親歿柴毀踰禮人皆感歎曰虔谷之親麻負土相好亭之同枕連衾復見於今日受業於畸菴鄭弘溟識見高邁經學深邃畸菴甚加歎賞文章亦鳴世爲儕類所推重癸酉中司馬益勵實工講磨不輟丙子聞 大駕蒙塵公薦草寢戶外不勝悲憤及見五賢倡義檄公慷慨揮泣曰此正捐躬報國之日也遂與族兄時一族弟元謙及金挺斗安瑢募聚兵糧人服其幹局日夜督旅赴義陣聞講和北望痛哭而還自是

無與世事隱居山野嘗詠詩曰慷慨心中事空餘
老此身春秋無地讀誰識 大明人卒于 崇禎
壬午年三十五疇菴甚慟之輓曰氣槩傾流俗才
華出等夷

金挺斗字應樞號默巖慶州人高麗禮儀判書冲漢
八世孫右贊成從直六世孫公生於 萬曆庚寅
天稟慷慨氣像豪俊孝悌稱於鄉黨應接不倦當
世士友亦推許每閱忠臣孝子之傳未嘗不擊節
服膺其天性然也當丙子亂虜騎驟薄 王城
車駕入南漢自園中下徵兵 教公涕泣語子姪

曰主辱臣死人臣之職分吾不忍愬然於 君父
之急于時五賢義檄亦到公投袂而起與經歷安
瑤進士趙時述及趙元謙募聚兵糧以趙元謙為
領送將運納於募義廳且召且募馳赴義陣聞講
和北向痛哭而歸自是廢科杜門與弟生員挺壁
塤篋迭唱詩酒自娛湖洲蔡公裕後以南州逸士
稱之 崇禎癸未終于家

趙元謙字子益號德村淳昌人虔谷先生瑜八世孫
七世祖崇文兵使六世祖哲山 光廟丙子父子
與六臣同歿今 上巳亥旌閭辛亥 莊陵紅箭

門外築壇配食又脩享本府謙川祠宇父侃以
萬曆辛亥生公公天性孝友慷慨有大節當丙子
亂奮然有挺身赴敵之志及見五賢倡義慷慨然
流涕弟克謙進曰家兄平日無憾容今遽涕泗抑
欲赴 君父之急耶公收淚曰吾家世襲忠貞義
當赴難而堂有老親成吾志者其在汝乎弟曰將
老全家有弟在勿憂也公卽泣訣促裝而出直到
府中兵糧旣具擇領去者公出位自薦時年二十
六會中以年少難之公曰吾聞之主辱臣死年多
者能死年少者不能死耶吾必往矣會中皆感歎

許之遂發行連日風雪軍兵將凍死公親自爇火
以救及至礪山募義廳諸公招入以軍少後至詰
之應曰軍少募之急也後至日之寒也抗辭不屈
遂點入軍伍從行戎幕人皆服之及聞和成諸軍
皆罷歸公北向再拜曰臣未及半道未死於國臣
罪萬死慟哭還鄉每閱行軍日記慷慨流涕前後
親喪居廬終制及病革沐浴正席儼然以終享年
六十一

靈光

李熹熊字廷尚號杞泉全義人正言涓玄孫執義審

內子傳事錄卷之三
一三一
幾孫公早孤受業於松川梁先生應鼎性至孝事
偏母左右奉持惟其志之養丁酉之亂奉母船避
常涕泣禱天曰天何不佑禍我家邦有母年老未
能殉國惟願蒼天速滅賊倭保我君親日日如是
及遭艱一遵朱子家禮歆粥廬墓廬傍有字猫歿
而狗爲之乳人謂仁孝所感壬子司馬甲子文科
無意仕宦退休林泉以小學一部教導後學以呂
氏十條設行鄉約當丙子公年七十五乃見五賢
檄卽奮起子孫難之公曰前日之亂爲親而生今
日之變爲君而歿是固平日之願而得吾之歿所

也遂拜于祠堂率家僮二十而赴義至清州聞講
和痛哭而歸述懷贈金秋潭友伋曰痛哭南漢事
尚忍今更陳有臣勸 王行何人能却秦波頽到
此地艱危日益新寧將與夫子共往寂寞濱種桃
食其實折枝以爲薪孤吟志在此有淚時沾巾嘗
宰結城辛巳應旨上治道十六策 批曰條陳之
事無非嘉言至論予當服膺而自勉焉傳 教政
院曰此人年至八十而向國之誠未衰其眷眷之
忠無愧於古人耆老善言禮宜崇報其令該曹特
陞堂上 嘉靖壬戌生 仁廟戊子卒享年八十

七大學士李德壽撰行狀

李敏謙字子益系出咸豐天姿剛方忠義自勵甲子
迺變與同志之士倡義募聚兵糧丙子虜亂以本
郡都有司應五賢檄赴難聞和成而歸終老于家
李坵字次山全州人完山府院君襄悼公天祐七代
孫壬辰亂本郡守城都別將生員應鍾孫壬辰守
城熒瘼官兼掌文書察訪號七梅堂克扶子公生
于 萬曆癸卯自六七歲志氣超凡早承庭訓學
業日進奉養偏母極其誠孝每出入毋夫人梁氏
以無言人過訓於堂下及中門又戒至閭門又戒

公服膺母教終始不惰及弱冠性質溫雅志節卓
異居家之節處世之方曲當禮義望重儒林世以
梁夫人三誠爲教子之模範焉公尤不喜文華以
忠孝自期常語人曰爲人臣不忠者其不孝於親
亦可知也與弟府使埤吟詩曰事親惟我在忠國
是誰忱當丙子之亂憤不自勝及見倡義五賢之
檄益憤勵挺身投袂竭力召募趣兵赴難聞講和
痛哭而歸謝絕世事以終 贈司僕寺正

宋軾字汝瞻號鉢山新平人五代祖欽判中樞府事
中廟朝錄清白吏號知止堂謚孝憲高祖益忱兵

曹參議曾祖碩果監察父仁先際昏朝杜門屏跡
妣周氏丁酉亂遇倭賊斷指自靖公生於 萬曆
戊戌儀範莊重文藝夙成在齟齬見稱神童及長
學識精敏專力實地嘗承親命黽勉赴舉十占鄉
解與昆弟皆有重望世稱宋氏三傑志節慷慨忠
義自勵甲子適變募聚兵糧竭盡誠力當丙子亂
奮然作氣曰吾雖書生何忍坐視 宗社危亡應
五賢檄舉義聞南漢下城不勝忠憤遂吟一絕曰
一國衣冠污羯埃漢城門外血盤開吾將蹈海仲
連志擊楫中流痛哭哀公弟轍和之曰聞道周王

事獯鬻苛秦由谷亦東開書生未斬東窻脚悵望
中原抹血哀相與唱酬以序其志公初學于姜睡
隱睡隱嘉其姿稟特加獎掖晚從李杞泉熹熊爲
道義交自丙子後絕意榮進遂廢舉業人稱歲寒
孤節隱居白玉洞終世

李垚字華伯全州人完山府院君襄悼公天祐七世
孫壬辰亂爲本郡守城都別將生員應鍾孫以
萬曆甲午生天姿忠厚志節宏濶入孝出悌名重
儕友丙子亂應五賢檄以本郡都有司募聚兵糧
赴難聞講和痛哭而歸廢舉杜門以終

金礪字伯石靈光人麗朝平章事文安公審言後
世宗朝討倭戰亡將該七世孫叅議衡孫天姿粹
美居家孝友處事忠直受學姜睡隱沉甲子迺變
與辛省齋應純發文道內收募兵糧及丙子亂應
五賢檄奮身赴難聞和成而歸三世懿行著邑誌
姜時億字天賚晉州人晉山君希孟六世孫判官濟
子生于 萬曆庚子自在韶齡至孝根天恒居不
離親側及長受業於叔父睡隱公沉睡隱以大器
稱之氣宇峻雅文學超世專事爲己工夫慷慨有
志節癸酉中司馬當丙子難與從弟時萬時健及

同鄉同志義士應五賢檄文募聚兵糧忘身赴敵
到清州聞城下之報北向慟哭而還杜門謝世辛
卯 除童蒙教官庚子 除景陽道察訪癸卯卒
丁名國字蓋甫靈光人靈城君贊十一代孫壬辰亂
倡義守城將 贈承旨希說孫性質忠厚事親以
孝祭祀以禮嘗廬墓哀毀逾制神貌不變人稱至
孝之致文雅夙成連選鄉解 崇禎癸酉中司馬
當丙子亂應五賢義檄召募兵糧誓死赴敵聞講
和痛哭而還 萬曆乙巳生 崇禎己卯卒
金尚敬字質夫號竹齋商山人領中樞府事號竹軒

丙子傳事錄卷之三
云寶八代孫持平守濬五代孫祖孝行直長筠父
判官廷或公年才六歲俱喪怙恃幼未服制追喪
居廬歔粥哭泣一如袒括之日性行忠孝志節慷
慨與弟尚敦受學于姜睦隱沆友愛純篤寢則同
衾食則同案朝夕拜廟朔望省墓源源相隨才學
鳴世擢大小鄉解凡二十六次每誦夷齊採薇之
歌文山出獄之文而教訓子姪曰爲人臣者不如
此而臨亂苟免非臣子之道也及丙子亂應五賢
檄文倡義起旅會礪山到清州聞講和痛哭而歸
曰 主辱不雪臣生何爲謝絕舉業終于楸廬遠

近章甫累度薦剡

姜時萬字巨卿號東岡晉州人左贊成晉山君文良
公號私淑齋希孟六代孫佐郎 贈都承旨睦隱
沆子公生于 萬曆癸卯甫十三文章已成老師
宿儒莫不矚若焉步武騷壇聲名藉甚文章道學
爲世所重而外則睡隱公教以義方動遵法度內
則母夫人金氏端嚴簡默教循規矩靡有差過天
性至孝養心順志人無間言內艱服闋遂廢舉以
經書自娛日哦林泉不以事物經心鄉黨景仰以
爲模範待人接物一於忠厚遠近章甫推爲領袖

丙子傳事錄卷之三
視世之趨附勢利若將浼焉但以教訓子姪門生
爲終老業前後親喪無或有憾丙子亂應五賢檄
募兵聚糧挺身赴難至清州聞和成揮涕罷歸特
書 崇禎日月四字於座右以寓尊攘之義 顯
廟朝壬寅大臣薦聞拜中部參奉公辭不就曰官
無卑尊顧吾才不充職戊申拜 慶基殿參奉
恩旨荐降而篤守初志終不奉職判書朴公長遠
趙公復陽勸之出仕曰豈可守此東岡之坡乎公
笑而不答癸丑終于家享年七十一
姜時健字子以文良公希孟六代孫天姿忠厚孝友

根性博於文累中累屈乃其餘事父母疾革再血
指兄弟連床不離昕夕人稱其孝友有幽居圖畫
出其形像至今傳之當丙子亂應五賢檄奮起妻
辛氏執衣而哭公遂斷衣而行募聚兵糧赴難聞
講和憤慨而返琴書自遣世稱石亭處士生於
萬曆丙午終于己酉弟正言時倣撰其狀

李暉字國舒咸平人竹陰萬榮曾孫受業於姜睡隱
沉文章早著氣宇宏偉性甚坦率世稱有古君子
風逮丙子亂見五賢檄與同志之士募義赴難聞
和成憤慨而返 萬曆丁酉生 崇禎壬午中司

馬丙申終于家

金慶伯金海人生員之綱曾孫生于 萬曆戊申當

丙子亂以校生挺身應募都有司諸公知其有智略定爲募兵領去將馳赴礪山前至清州聞和成而歸齋恨以歿

咸平

鄭穡字汝有晉州人中郎將璜十世孫司評宗弼曾孫察訪咸一孫父慶得 贈掌樂院正世篤忠孝祖母李氏母朴氏及叔母姑母當丁酉倭亂投海殉節 肅廟朝並旌閭樂正公與弟進士希得被

俘入倭抗節不屈西望號哭三年不懈倭酋感服裝船以送己亥返國追服母喪以伸情禮公克趾先烈慷慨有志節丙子亂與從弟穡應五賢倡義檄文以本邑都有司聚兵糧到清州聞和事已成慟哭而歸少工詞翰累中鄉解期以立身報國亂後絕意名利有蹈海之志公生于 萬曆庚寅卒于壬辰享年六十三 英廟朝 贈戶曹叅議

鄭汝俶字先之號聽松齋東萊人刑曹判書封萊山君文景公欽之八代孫左贊成貞節公甲孫七代孫父再興 贈左承旨祖妣吳氏當丁酉倭變與

內一借事錄卷之三十一
同開七婦女同船避寇中洋遇賊船並蹈海殉節
肅廟朝旌閭公慷慨有志節每當義理關頭言議
英發確然不撓人以烈丈夫稱之逮丙子見五賢
倡義檄與鄭穡鄭穡同志募義至清州聞和事已
成退歸鄉里絕意世事不復就公車所居一室扁
以聽松蓋取歲寒之操也每讀魯連傳至蹈東海
而死未嘗不擊節勵聲與弟進士 贈都憲汝佑
墳麓湛樂常以馬伏波謹勅之書誠子姪公生于
萬曆乙巳卒于甲午享年五十

鄭穡字遂卿晉州人司評宗弼曾孫察訪咸一孫進

士希得子進士公與其兄慶得被俘入倭痛其家
海上之變泣血三年哀慕如一矢死不屈倭酋亦
加感動遂裝船以送有所著海上錄遂渡海泊釜
山製進復讐疏而未克徹 聰到家後追服母喪
以伸至痛逮戊午爲 國母斥兇黨癸亥改 玉
後獨疏陳賀世稱忠孝公卽其第三子也克趾其
美慷慨有志節年三十與從兄穡及鄭汝俶應五
賢檄收聚兵糧至清州聞和議已成慨然流涕而
還及親歿廬墓終制兄別提稷亦赴安牛山邦俊
倡義公生于 萬曆丁未卒於 肅廟乙卯享年

六十九

茂長

姜時彥字伯英號荷月堂晉州人左贊成晉山君文良公號私淑齋希孟六世孫吏曹叅議戴愍公碩德七世孫父繼吳判官莅官清白公生于萬曆己丑公生有異質天性孝友行誼謹篤早負文章氣節爲當世所許當甲子迺變倡募義旅將赴難亂平而止丁卯虜亂沙溪金先生以兩湖號召使募義公慨然憤發募兵至礪山扈東官和成而罷至丙子亂五賢倡義傳檄以公爲本縣募義都

有司公應檄而起招集兵糧誓心敵愾期赴難聞和議成痛哭而歸自是放跡山水詩酒自娛不求聞達自號湖隱專以訓子弟立家法爲事時或北望慷慨涕泗自不能禁辛卯以布衣終于家庾泳龍字雲路號洛窩茂松人高麗太師忠節公黔弼後吏曹判書順道八世孫主簿公涉孫月峰處士仁基子公以萬曆己亥生幼而英邁長而慷慨鄉黨稱之有太師公風焉壬辰倭變月峰公苟全性命於亂中常戒子弟曰國運再造人民有類莫非天師東征之恩公早受家庭詩禮之訓

文行天成當丙子亂倡義五賢以公爲募義別有
司公時年三十八與一鄉同志諸公齊聲舉義募
聚兵糧挺身赴難聞南漢下城痛哭罷歸隱居於
洛陽村慕濂洛之淵源講春秋之大義述先業教
後學以爲己任丁亥終于家享年四十九

興德

鄭好禮字士中晉州人晉陽伯忠壯公璜十世孫別
提憊子當丁酉亂別提公奉母夫人李氏船避海
上猝遇賊母李氏妻金氏子好仁妻李氏投海殉
節並旌閭別提公爲賊所俘罵不絕口蹈刃立節

公及兄好仁爲賊俘去三年異國號泣日夜倭酋
愛其文章奇貌欲授官啗之以利終不屈抗言曰
爾等上爲國家之讐下爲父母之仇爲臣爲子之
道寧捨生斷不可屈膝倭酋感服忠孝差船以送
己亥七月與兄好仁偕還我國追服三喪及兄歿
絕意當世不事公車業丁卯虜亂從沙溪金先生
倡起義旅 朝廷嘉之有論賞之 命累官至陽
城縣監當丙子亂應五賢義檄奮起募義旅赴難
聞講和憤惋而歸搆廬沙湖上詩禮自娛士林標
準焉癸未終于家

李昌文字士蔚全州人長川都正五世孫也性行純粹字量宏偉居家孝友與人忠信鄉閭艷服所居成化甲子迺變與辛應純諸公收義穀募義兵事載甲子義錄丙子聞南漢被圍國步蒼黃痛哭號天曰君父危急臣子何恤熊魚之取此其時也俄而五賢倡義檄來以公爲募義都有司遂投袂奮起與一鄉諸有司收穀募兵行到清州聞講和北首長號淚語同志曰凡爲人臣者不能盡敵愾之誠則天日之下戴頭猶難况吾東素稱禮義之邦而余又忝在宗親之列乎不勝悲憤而歸

每月朔設席焚香北向四拜而祝曰邸官塞上之駕何時歸何時歸及鶴駕返都後乃已自茲以來絕意世芬社門終老常語人曰大明天下一罪人斯世上空白頭而已蔭資宣務郎

湖南丙子倡義錄卷之三

湖南丙子倡義錄卷之四

列邑赴義諸公事實

靈光

金汝鈺字君粹系光山麗朝十二世平章之後七世
祖子進司評 國初隱居羅州 太宗朝累徵終
不起名其亭曰麗亭田曰麗田井曰麗井永矢不
服之義高祖紀典翰祖大成有孝行 贈左承旨
父友伋號秋潭以文章氣節著名登鄉貢入京時
館儒希爾瞻意發廢 母論公素有重名欲藉以
爲重到邸受名帖公大書其紙背曰生於母者不

宜應此凶徒惡而削籍當丙子送公勤 王以詩
誠曰昔爲吾父子今作爾 君臣恩義兼難盡臨
危莫愛身自講和後杜門屏跡聞有送使絕北之
論作詩賀曰天諭吾 王先告絕用賢從此作長
城常閉戶讀春秋以寓風泉之感後人慕公行誼
享慕巖院公其長子也自幼穎秀出羣成牛溪先
生愛公才俊待以高弟 仁廟朝登上庠又捷明
經科薦檢閱拜諫官時北虜再創公在鄉聞報與
金地粹召募義旅勤 王推號召使鄭公弘溟爲
將先是五賢倡義傳檄道內糾聚義士於礪山各

以所管兵來會焉旋聞南漢圍急趣兵至天安湖
西伯鄭世規先敗龍仁義將不能措手退畱公州
公以體府檄還守咸平縣起兵西上則 駕已出
城矣北向痛哭而還後入臺閣論金慶徵之罪蒙
允已丑差赴燕山路遇一老儒極論大義贈詩曰
秦俗卽今窺偶語漢儒何處覓殘書老儒見詩汪
然起謝聞者亦悲之旣歸爲海西伯時賊臣自點
密賂鄭命壽流言清國 朝廷方進用山林士將
至罷和清國聞之大怒使者織路欲害金清陰尚
憲一隊諸賢舉國洶洶公抵書遠接使元公斗杓

詳言折枝之策元公不能用公竢命壽到界之日
往遠接使館與元公招請首譯李馨長曰若諱言
根我有尚方之劍當先斬以啓矣命壽聞之大驚
卽發黃州館事賴以解時有女吳之役 命諸道
選進侍女公慨傷不已選進後於諸道嚴 教累
下公馳啓曰鄉曲採薪之女難望越娥之美 上
大怒卽命拏來公拱辭不回撓人皆難之 孝廟
嗣位誓復北庭 上極擇西門鎖鑰之任宋文正
公特薦于 朝以憲府長按關西 上諮詢方略
臨軒送之未幾聞鼎湖之變公感激知遇朝晡哀

痛及解官入都參哭班至氣塞嘔血因感疾壬寅
終于京第朴文純公世采銘其墓曰春秋義喪神
人氣塞尹文成公拯撰其狀曰功名未立時運傾
春秋大義終晦塞金清陰亦以冰壺玉衡稱公人
物薇山公之自號有文集藏于家

金堤

柳棹字用濟號盤谷文化人佐郎泰亨子諮議揖弟
早從諮議公受學於沙溪金先生沉潛乎仁義從
容于禮法用力於性理之學精思力踐孜孜不倦
文元公門下諸賢皆以道義之交相許氣質純粹

篤行忠信嘗至礪山路見一人衣冠縵縷顛倒道
左哭不絕聲公惻然問故乃嶺南士人金生也父
子兄弟以家禍流離於湖南卒以時疾連出四喪
旅殯遐鄉不能返骸公聞其言悽然良久與之偕
還賣田資以數百金送之公之急人如是者多甲
子適變與諮議公倡義丁卯虜亂從沙溪金先生
召募起義丙子之亂又與諮議公共舉義兵聚軍
糧三百餘斛與諸友約曰 國難至此臣民不能
殉國三百年養士之意安在諸友皆從公赴難聞
講和北向痛哭而返歸其軍糧於兵營 崇禎六

年中生員 除濟用監叅奉又 除童蒙教官皆
不就以終尹屏溪鳳九銘其墓

昌平

林得悅字載世號竹西平澤人高麗忠定公彥脩裔
父牧使檜號觀海甲子適亂守廣州猝當凶鋒於
慶安驛戰敗被執罵賊不屈至於齟身斷舌訃聞
行在棗贈旌閭享羅州旌烈祠牧使錦湖亨秀其
從祖文清公鄭松江澈其外祖也公生於 萬曆
壬辰姿質端正學襲家庭當觀海公殉節左右翼
蔽救不得號痛倍極返葬於順天廬墓泣血人稱

其孝丁卯登庭試壯元科累拜至獻納出守茂長
康津有清白碑丙子亂從內舅鄭畸庵弘溟起義
旅與道內倡義諸公戮力赴難聞媾成痛哭而返
齋志以終世以傳家忠孝稱

靈巖

曹行立字百源號兌湖昌寧人集賢殿副提學忠貞
公尚治七代孫昌山君繼殷玄孫早遊沙溪金先
生門忠孝有氣節甲子迺變募義丙子亂與林月
滄埳林尚州瑞林起榮諸公倡義合兵礪山至清
州聞講和乃還所收義穀數百石納巡營補軍餉

慷慨有志恢復有 大明天地今安在欲挽長河
淨洗塵之詩初公爲句管從事官力陳江都保障
之策時議迂之及失守人服其先見歷宰四邑進
秩僉樞退老鳩林設鄉約建閭塾春秋講信義生
於 萬曆庚辰卒于癸卯後人立祠西湖上尤庵
宋先生銘其墓金文谷壽恒誌其壙

慎汝誼字士善號梅堂居昌人監司幾六世孫奉事
元凱子公天性謹嚴力學博聞慷慨有大節居家
盡孝友之道遭外艱廬墓三年 宣廟辛卯與仲
弟汝訓同登司馬以行誼薦授繕工監參奉不就

丙子傳事錄卷之四
甲子適變與靈光辛惟一羅州金璇諸公發檄道
內召募義旅公爲四邑都有司丙子公與第三弟
參奉汝諤聯枕中夜忽聞虜騎犯境 大駕播越
蹴弟而起曰主辱臣死正謂此時吾等安敢一刻
安枕乎坐以待曙指揮昆季激勵親知聚得數十
包糧餉又募壯丁三十餘名陸運其米公與弟汝
諤率領馳赴礪山義廳合兵赴難聞和成兄弟相
與流涕而歸杜門遜世以終 孝廟嘉其忠義將
褒用而公已歿蔭授公之長子吟義禁府都事
教旨有曰其父汝誼當君父危急之際奮其忠義

思助軍食募軍聚穀其爲國之誠宜爲施賞事

林垵字孟堅號月滄羅州人白湖悌子繼縣監號習
靜權之後仕止咸平縣監磊落有不世才文章卽
其餘事當癸亥反正元相國斗杓勉以同力 王
事而終辭以無二君之義遂隱而不仕甲子適變
同曹允湖行立募義當丙子聞虜變憤然投袂曰
此賊不滅綱常掃地因與曹行立林起榮諸公倡
義赴難聞和成而還杜門謝世 仁廟嘗問林垵
尚在世否觀其寵眷而可知其人矣

朴承源字季悠號雪坡咸陽人甲子名流正言號孤

狂權曾孫直長大噐子公天姿卓犖文章學行爲世所推龍蛇之變直長公倡義赴高齋峰幕公與兄長源領軍同往兄途死丁酉公又倡義與林習靜權破倭有功李忠武舜臣開府古今島以公爲繼援都有司未幾李公歿於賊柩還郡城公操文以祭之當光海朝杜門廢科同研之叅廢母科者欲來見公避而不見贈以詩曰青衿冒子盡爲土萬卷經書一炬燒莫道秦皇無道主當年猶不殺茅焦甲子迺變倡義丙子聞虜圍南漢與同鄉曹行立同倡勤王之議日夜募義公年七十五及

見五賢義檄募兵糧以輸送每歎其衰病聞媾成詣義兵罷慨歎時事杜門不出以行誼除參奉不就以子南兵使省吾之貴贈戶曹叅判

林起榮字仁甫善山人大司諫號石川億齡從玄孫翰林峴子萬曆丁酉生八歲而孤就學於外祖閔叅判潔文學早成孝悌行于家恭敬著於鄉累舉科試志業未就丙子虜賊犯京上在圍城公聞之不勝憤惋卽與同郡曹行立諸公倡起義旅聚糧餉以應五賢督兵赴難聞南漢下城之報痛哭而還絕意名利閉戶講學以布衣終于家

南原

金沈字長源扶安人麗朝名賢文貞公坵之後也曾祖錫良進士有學行朝署薦不起南溟曹先生表其墓享扶安鄉祠祖光以遺逸薦爲昌樂雲師父益福進士文科壬辰守綾城草檄討倭丁酉起復權補靈光倡義討賊救南原中流矢歿于官當寧戊午 贈吏曹叅判公生于 萬曆丁亥丁巳中進士一等 仁穆大妃幽處西宮同榜謝恩日上章附金墉議公不應榜草疏極言彝倫之不可斃塞知其事者密告于元凶禍幾不測自是不復

應舉甲子适亂與其仲兄 贈執義溥倡義赴難賊平以其軍需納于山倉丙子虜亂公又倡義與其兄子 贈執義之純赴義陣共誓敵愾至清州聞講和與諸義士痛哭而歸謝絕世路與門徒講學自娛以敬之一字爲單傳旨訣號陶村居士杜門以終尤庵來先生時烈特以萬曆進士題其墓同春宋先生浚吉書 當寧戊午 贈童蒙教官金之純字真卿扶安人父參奉溥有學行世以雪中仙鶴稱之甲子适亂倡義薦拜齋郎不出享于蓼溪鄉祠 當寧戊午 贈執義公生于 萬曆戊

子事親至孝丁憂廬墓三年足跡不及門朝夕謁墓白首血淚人皆感泣己未登上庠丙子從叔父沈赴難聞講和與其叔相向痛哭而歸自是歛跡丘園 朝廷薦其行誼拜 敬陵參奉未幾 除王子師傅將送瀋陽公辭曰足踐異地非吾志也即謝歸田里年高而學益精與門徒講學不懈號春巖居士杜門以終丈巖鄭公濬表其墓享于蓼溪鄉祠 當宁戊午 贈執義

鄭勳字邦老號水南放翁慶州人麗朝大提學玄英後父金巖以學行薦授 寢郎不就隱居自樂公

生於 嘉靖癸亥幼而孝勤事親盡禮餘力學文通四子詩書大義壬辰丁外艱築土訖奉母避倭於雲峰朝夕饋奠不廢供毋甘旨負米遇盜盜知其孝而釋母病嘗糞有冰鯉之感平生倜儻有大節當昏朝憂 國之誠發於歌章及改 玉作中興歌甲子適亂即募義至鰲樹驛聞亂平而還當丁卯虜變公病不能自振送子元烜赴義丙子聞變涕泣諭鄉人曰 主上在圍中臣子分義不可一刻安坐吾年已七十五只切痛泣君等可勤王若得攀緣入城以達南道消息 聖上渴憫之

懷庶可慰梁之叟等七人應聲而諾公使子元烜
卽備弓矢餼糧發向南漢是時崔碩齋與同志諸
賢傳檄倡義一道響應公之子元烜至龍仁不得
進聞義兵之躡後乃赴之和已成矣遂憤恨而歸
公撫膺長痛曰吾東方一何其無人也欲蹈東海
而未能作短誥以見其志及聞 東宮之北狩悲
憤不已惟以詞詠度日辭極激烈 崇禎庚辰終
朴文純公世采銘其墓

古阜

金南式字君彥光山人大提學章榮公積後高祖參

奉麒瑞號敦睦齋被己卯禍坎軻以卒曾祖生員
景熹號蘆溪受學於學圃梁先生彭孫文章夙著
中文科有違見拔自 上特賜杜詩以慰之乙巳
見士類之禍隱居以終祖文科府使弘宇從尹梧
陰斗壽遊文學富贍壬辰倭亂倡起義旅丁酉再
亂奮然扈 駕素沙之役接伴天將解生有勝捷
之功特 除南原府使考通德郎汝聲丁卯虜亂
從沙溪金先生舉義召募公生于 萬曆丁巳父
業於慎獨齋金先生集學問早成孝友備至丙子
亂以親命倡義勸 王行至清州聞南漢下城與

諸公北向慟哭而歸遂廢舉業隱居桂嶺山下別
構小齋曰 大明遺界每見新曆抹去偽號語及
崇禎必涕泣沾衿世稱 崇禎處士獎進後生不
撤講習遠近從學事親盡職喪祭以禮五昆季友
愛彌篤人以慕義名村君子名廬終于癸亥門人
崔夢蚪文以祭曰 大明遺逸先生一人先生一
去 崇禎亡矣有子履成號市隱學問孝友稱於
世魚判書有龍衣繡南州 啓達而未蒙 恩黃
翊贊胤錫撰兩世墓表
任實

吳廷曄字秀甫咸陽人高麗左僕射咸陽君光輝十
三世孫 本朝參判安紀六世孫縣監歸休亭變
夏五世孫歸休公以蔭出守海南 端廟遜位後
棄官不仕隱居任實深谷里以終其年父德麒公
生於 萬曆壬寅早以文章名氣宇倜儻與世寡
合最長詩律不事科業親知以放浪客稱之丁卯
胡亂奮發大義不顧衆議方欲獨疏斥和時議不
一而寢止及丙丁之亂李西歸起淳公道義交也
與共謀畫舉義勤 王募得戰士四十人糧餉數
十石與道內義兵齊會礪山前到清州聞南漢講

丙子傳義錄卷之四
和相向涕泣而罷兵戰士中數十名并是家僮以
其同事之義盡爲白免築壇家後每月朔輒北向
痛哭公嘗著尊攘錄一卷丙亂後盡爲燬棄曰丈
夫有戴天之讐而未遂復雪之義則無面目立於
世而吾之所著徒歸虛言無益於傳後也自是逸
遊湖山放浪詩酒者二十餘年每語及時事涕泗
交頤親友之知心者皆許其忠義家後有巨巖別
構一室於其下因自號守巖李西歸爲記以志其
忠義不變之意略曰吾嘗與子從事於丙丁之亂
也子忘其身爲一介草野乃其心在一死於國以

爲不盡劉此賊者無面目立於天下云卒於甲辰
享年六十三

扶安

金弘遠字而重號海翁扶安人高麗名賢文貞公坵
後校理錫弼曾孫參奉 贈參議旣孫 贈參判
景順子生 隆慶辛未十八中進士筮仕官牧使
壬辰倭變 大駕播越公奮身欲赴 行在規畫
既定以承重孫遭祖喪乃以所聚穀百餘石寄宣
諭使尹承勳輸送義州丁酉倭寇復至公慨然歎
曰吾前日未赴賊以喪故今已服闋可以赴難手

西一伯事錄卷之四
十一
草檄通告道內略曰顧瞻山河風景之感生日言
念時事英雄之淚滿衿得精兵數千討賊淳昌福
興及順天石堡等戰累立奇功觀察使黃公慎上
聞之陞秩通政公上疏自陳無功 上降批褒諭
曰一介書生奮義討賊褒忠仗義猶有未盡守錦
山時白沙李公以體察使褒奏 上特賜表裏一
襲降諭書曰爾爲國誠深莅民才長極爲可嘉乙
巳策宣武勳一等迺變誓不與賊俱生行至沃溝
病發不能前進丁卯虜陷義州公聞變卽發勤
王行馳到公州道逢 分朝之行拜大將守禦於

金城山城丙子聞南漢被圍奮然流涕曰吾家世
受 國恩而國危如此豈可越視偷生乎長子牧
使命說請陪行曰臣死於君子歿於父其義一也
鄭畸庵師也亦募義赴難君師父俱在必歿之地
且五賢首倡羽檄交馳道內義士莫不響應捧頭
鼠竄非所願也公許之任以書記糾合同志倡率
義旅馳赴義陣聞和成遂痛哭而歸作詩曰吾其
被髮矣慟哭歸南崗末年卜築海山軒於熊淵與
當世名流觴詠以終 孝廟朝用宣武勳 贈兵
曹參判

金以謙字伯源號撫松扶安人高麗名賢文貞公坵
後高祖錫弘趙靜庵以學問淵源操履篤實薦于
朝官郡守 贈吏曹參議祖義福判決事父塚學
問孝行著名官掌樂主簿號退憂堂壬辰亂奮義
扈 聖叅原從錄甲子迺變扈 駕公州丁卯虜
亂召募義兵遠近素服其忠義應募者甚衆以公
任書記率衆運糧行至金堤病發不進公代行而
媾已成矣罷歸丙子虜再創不勝憤惋招公握手
流涕曰吾家世受 國恩報效無地 國危如此
吾當赴難而老且病勢難從戎汝其代余赴難公

起拜曰子雖不肖旣聞命敢不從之然事急不可
時刻差緩主簿公喜曰汝言得之具衣冠辭于家
廟告以勤 王歿敵之意招首奴青蓮金等温言
諭之曰君臣奴主一義也余將以臣歿君汝輩以
奴歿主可也人孰無歿歿於國事歿且爲義鬼辭
意慷慨奴輩莫不感泣公遂糾率義旅赴義陣聞
已講和相向痛哭而歸絕意世事詩酒自適公生
於 萬曆癸未天性仁孝父患痢疾嘗糞以驗劇
歇斷指以延一晝夜人稱其孝終于 崇禎癸未
金湍字止叔扶安人高麗名賢文貞公坵後進士錫

良曾孫進士公隱德不仕南溟曹先生植銘其墓
曰滄海遺珠大醫無藥祖光察訪父泰福進士贅
居靈光當壬辰倭亂糾率鄉人守邑城公生于
萬曆丙申年纔十四文學大進甲子中生員當逆
迨之變公約湖南士友倡義募兵將赴難聞賊平
屬其軍需於道臣而歸丙子虜亂公又與族兄牧
使弘遠高叅奉弘達激勵奮義收取兵糧器械時
五賢倡義旅傳檄列邑公益奮勵率兵赴義聞
朝廷與虜媾遂北望痛哭而歸謝絕公車杜門求
志同春宋先生浚吉以公志節薦于 朝除 孝

陵叅奉陞禁府都事連拜懷德新寧秩滿邑民號
額請畱按使以聞褒 賜內廐馬及歸結茅數架
扁以守分窩卒于辛亥同春先生輓曰兩述分憂
日延英辨奏時仁恩婦孺誦清德 聖明知後配
瓮井祠宇

茂長

金公立字世用清道人英憲公之岱後知敦寧府事
胡剛公漸十世孫全羅道觀察使好雨八代孫祖
碧潼郡守希邦壬辰亂扈 駕西陲戰伐有功策
宣武原從一等功公生于 萬曆丙申當丙子虜

亂追思先祖敵愾之志與鄉邑同志倡義赴難聞
朝廷講和相向痛哭而歸杜門謝世以終鄉人屢
薦其忠孝朴諮議光一撰行狀

和順舉義通文

奉天月暈李晟募勤王之師泗郊柝鳴有若泰踊庭
之士但知主辱臣死不計才弱敵強嗚呼噫嘻國
步遭艱虜騎犯順前春之僭號罔極輒惹渝盟之端
猾夏之凶圖益深將絕顧後之患河朔之州郡俱潰
何無一箇男兒秦京之道路云還難徹七夜號哭徒
聞去邠之法駕不見入關之隻輪嗚呼安市之一

髮孤城尚過方壯之甲宋室之百年養士詎無團結
之丁惟我湖南簪纓世家忠義府庫遠則申壯節鄭
景烈芳躅昭揭日星近則高苔軒金健齋諸公咸殉
社稷非敢罔俾專美亦云有爲若斯父母邦危寧論
螭娘抗轍之勢金鼓聲聞此是熊魚稱秤之秋守誠
草莽腐儒桑榆殘景生無軍旅之學習誰與行兵坐
聞君父之播遷惟有效死茲發盈尺之片牘通告
列邑之僉賢稱其戈執其干庶追魯汪錡之衛社搏
一人粹一卒無憾楚大心之報君見義即爲然後謂
之君子同聲相應是所望於羣公

崇禎九年十二月二十五日生員曹守誠 單絨

光州有司高傅立 朴思遠 柳東煥 申澤

羅州有司柳浚 崔震岡 洪命基 李煥

綾州有司梁禹甸 文悌克 閔彭齡

南平有司徐荇 鄭槃 尹俶

同福有司丁好敏 金聲遠

此亦中以下條約并缺

和順舉義有司諸公事實

光州

高傅立 事實見上

朴思遠字仲久忠州人文簡公訥齋先生祥五世孫也高祖敏中十八中進士當世稱一家六文章之一不幸早世文帙散逸只有武王不褒錄夷齊論一篇著東文選曾祖希壽以懷齋朴先生光玉高弟當壬辰亂從先生以白衣起義扈從永柔行在謁見 上驚問曰此何人而能冒危涉險見我耶白沙李相公恒福對曰先儒臣朴祥孫也 上感歎曰若非朴祥孫豈能若是即 除刑曹佐郎祖瑄父時英兩世隱德不仕公生於庚戌天姿清越氣度弘毅篤信好學克世其業逮丙子南漢之

圍曹叅奉守誠起義於和順公及高叅奉傳立申
別提澤柳公東煥為其有司慷慨奮起方欲赴難
之際五賢檄文亦到乃合兵糧到清州聞和成北
向痛哭而歸特書 崇禎日月四字於左右以寓
尊攘之義常語及時事輒投涕歎息遂絕意世事
逍遙林泉時人以處士稱

柳東煥 事實不傳

申澤 事實見上

羅州

柳浚字深源號四矯堂文化人文簡公夏亭寬七世

孫僉正夢翼子公生於 萬曆甲申幼有至性甫
五歲僉正公有疾受鍼驚號而進願以身代觀聽
者以天生孝子稱八歲僉正公歿哀毀如成人事
母夫人盡禮事家兄如嚴父丙午中司馬筮仕金
吾郎癸亥改 玉亟選守身不污者又特 除金
吾郎甲子適變用扈從勞陞主簿以親老解歸乙
丑母夫人寢疾血指和藥竟不救毀幾滅性逐日
拜墓不避風雨夢見慈顏則雖深夜必至墳前而
哭積瘁成疾庚午復職拜尚衣判官以宿疾棄歸
羅州茅山仍居焉丙子公聞虜亂力疾奮起而歎

丙子傳義錄卷之四
日國難如此吾豈忍坐視與和順曹清江守誠諸人共謀舉義募聚兵糧領送于曹公義廳移書曰身病不能躬進姑俟少差便可馳進云卽見五賢倡義檄文慷慨不已遂與曹公合勢赴難聞講和罷歸自此無意於世以讀書教授爲樂遠近學者甚衆每月朔整衣冠齊會揖讓講誦白鹿洞規五倫三綱之要年七十八卒于家門人持服送葬立祠于社尤庵宋先生撰墓表

崔震岡字子高耽津人平章事耽津伯思全後進士贈校理號栗亭鶴齡曾孫應教錦南先生溥其從

高祖也公自少有氣節行誼推於鄉黨丙子亂公聞變不勝慷慨憤惋將欲勤王會和順曹公守誠傳檄倡義而以公爲本州募義有司公投袂而起曰是吾志也與同志諸人出家僮備弓馬赴其義陣與五賢合於礪山前至清州聞媾成罷歸屏跡林泉終身不赴舉以終

洪命基

事實見下

李煥字晦而號杏堂全義人麗朝太師棹後七代祖勗大司諫曾祖曇進士贈戶曹叅議祖容濟號後凋堂丁酉亂以興德縣監殉節于南原贈兵

丙子傳事錄卷之四
曹叅判父廷樾義州府尹守龍川時與林忠愍公
慶業董山城之役忠愍公負石府尹公負土爲士
卒倡時邊警連歲丙子冬義州牌文忽到府尹公
卽率管下兵往赴與忠愍公數語間城燧報急賊
已渡江方應變之際胡騎由龍宣二境直向平壤
府尹公設機備邊將欲整旅勤王城下之報忽
至以未效敵愾爲歿身恨公生于丁巳氣宇俊整
志謀英雋早爲鄉黨所推重是亂在鄉閭聞御
駕播遷南漢圍急憤惋流涕謀舉義時和順曹公
守誠先倡以公爲募義有司時年纔二十將行謂

家人曰家親遠在龍川距此數千里恨未及告訣
赴難而取義殉國是家親平日勸勉之意也且
祖考曾已立懂王事吾何愛一歿負我祖考乎
日夜募聚兵糧勇赴曹公墓下與五賢兵合于礪
山前至清州路聞和議已決撤兵痛哭而歸遂謝
絕世事結廬葩山植松竹于庭以見其志節卒于
家年四十八

綾州

梁禹甸字子擎耽羅人校理號學圃彭孫五世孫
贈戶曹叅判山立曾孫僉正仁容孫參奉渭南子

也參奉公倡義於甲子迺亂丁卯虜變以孝旌閭
 公生于 萬曆乙未天姿謹嚴孝友傳家鄉黨咸
 推其文藝行誼當昏朝廢舉癸亥改 紀始赴舉
 中司馬旋罷甲子丁卯之亂從參奉公周旋舉義
 逮丙子亂和順曹參奉守誠與其從姪焜及同志
 起義兵知公有幹局為募義有司公慨然奮起曰
 是吾志也收募兵糧器械往來論兵務時三從祖
 據梧公倡義於羅州因與李雲巖諸公發檄遍諭
 道內以曹參奉付有司公遂與曹公約誓敵愾正
 月十一日調發於和順與據梧公會礪山前至清

州聞媾成痛哭而返決意遯世終身廢舉隱於松

石亭壬子終

文悌克

事實不傳

閔彭齡

事實不傳

南平

徐苻

事實見上

鄭槃字君平晉州人左贊成繼童後祖現進士孝薦
 叅奉號草心堂父期瞻公生有異質自齠齒知事
 親大節溫清之奉甘旨之養必敬必誠鄉里稱之
 崇禎丙子金兵猝至 大駕入南漢城哀痛之

教自園中下公飲泣伏讀慷慨不已時曹清江守
誠倡義發檄隣邑以公爲南平舉義有司公見檄
卽與同鄉徐荇尹俶率家僮聚兵糧直赴義廳列
邑義士及期全集如綾州梁禹甸羅州崔震岡光
州高傅立同福丁好敏諸賢皆公同志人也遂與
清江及清江從姪焜領軍直向礪山爲勤 王行
及到清州聞已下城痛哭還鄉自是無意世事日
與羣從子弟講論孝經小學等書拳拳服膺孜孜
不厭其躬行心得御家接物之道一出於孝友鄉
人至今稱其所居曰孝友村壬辰亂公曾祖向北

堂遵一募義旅赴高霽峰軍病不能行使公王考
草心堂代領其衆付霽峰公之忠孝得於家庭者
槩可見矣

尹俶字太初號養真齋坡平人佐 命功臣吏曹判
書坡平君 贈領議政昭靖公坤八世孫吏曹叅
議鈴川府院君 贈右相垠六代孫忠義衛長勳
子公天姿卓異自齠鬣已知忠君孝親之大節友
于羣從敦乎諸從風韻德量爲世所推丙子冬金
虜猝至公與從兄儉募兵聚粟爲勤 王計時和
順曹清江守誠傳檄隣邑公慷慨揮涕糾結同志

行到清州聞講和相向痛哭而歸從兄儉不勝悲憤詩以叙之公和之曰日月明山川腥塵暗塞天誰成和議事感淚自漣漣還鄉後以國耻未雪為平生至恨絕意世事養親為職晚築一齋於道伊峰下獎進後學每當國忌不御酒肉及遭內外艱六年廬墓生于萬曆壬子卒于己酉

同福

丁好敏 事實見上

金聲遠 事實不傳

和順

柳涵字子淨號百泉文化人大司成元顯六世孫大司憲善五世孫校理秀馮孫父德容蔭通政以孝旌閭伯兄泓壬辰舉義以白衣從事立節平壤公天性嚴重學識宏博慷慨有節為世推重僑居和順丙子聞南漢受圍與曹守誠同倡大義聚義穀募兵馬指畫精密同志之士莫不嚮應治兵四日五賢義檄來到而以曹守誠曹燒崔鳴海林時泰諸公付都有司公與諸公率義旅到礪山道內義將皆會遂合勢前至清州聞城下之報與諸士北向痛哭而還遂廢舉業自稱大明遺民逍遙於

瑞巖環山之間年八十六終于家

柳公涵以下六人不見於檄文中
同時舉義事蹟昭著故并附此

林時啓字子沃號隱庵淳昌人十世祖贊成事淳昌君仲沈九代祖麗季忠臣太學士先味號杜門齋英廟辛未以御製御筆立碑遺墟遣禮官致祭當宁癸卯建祠松京賜額表節父通德郎塾公生于萬曆戊子姿質秀明性剛毅甫弱冠交結知名湛樂羣弟鄉隣莫不欽歎平生不屑科業惟讀書窮理常以忠孝自期嘗有詩曰在國君臣義居家父子情寸誠如不息忠孝一門生當丙子亂

聞御駕播越奮袂而起與弟時泰時敏從弟時儁時慶三從時益謀勤王曰當此王辱之日爲臣子者當沫血蹈刃吾雖駑劣決意赴艱諸君之意如何羣弟慨然而對曰兄言至此弟意益勵即日盡傾家藏以爲軍用往曹公守誠義廳約與同死王事時五賢義檄來到以時泰爲都有司兵糧既聚行至全州西門外先見李公與淳論行軍事李公曰舊聞君家忠節今見羣兄弟誓歿赴難令人欽歎遂同至清州聞和事成兄弟相向痛哭而歸隱居漁隱洞而終

林時敏字子求號林泉淳昌人時啓弟也生於萬曆壬辰姿稟樸厚志節卓犖自幼至老孝友未嘗少衰早遊李芝峰粹光門篤學講究探索經旨芝峰愛其勤學常曰如此好學之人今始見之每語其親友曰此子必為大儒矣公始貧窶操守彌堅及資財豐厚少無鄙吝之態鄉隣稱其寬仁長者及其分券戒子弟曰在家有父子之親在國有君臣之義以忠孝二字為福慶之源作十勿戒曰勿慢天勿驕人勿苟得勿妄動勿荒色勿縱酒勿沉汙勿浮言勿浪遊勿濫分又詠昭昭詩曰天視上

昭昭地聽下昭昭白日晝昭昭星辰夜昭昭君子畏昭昭小人欺昭昭昭昭畏欺間禍福自昭昭周人貧窮如不及當凶歲有稱貸文券臨歿使子弟焚之曰恐汝輩有較於窮交冷族也嘗與鄉人曹守誠曹煥崔鳴海諸公為同志交丙子赴曹公義廳軍糧器械應機辦出諸公服其幹局遂從諸兄赴難聞和成不勝憤慨曹清江亦歎其志義自是絕意世事白衣以終

林時儁字子賢號松溪淳昌人父通德郎墩時啓從弟也公以萬曆庚寅生姿品端雅氣質雍容剛

毅平日行已言若不出口體若不勝衣素多疾病
罕與人接惟閉戶看書逮丙子亂南漢被圍與羣
從兄弟謀勤 王時曹清江守誠與其姪焜設義
廳區畫兵務公與諸從挺身同赴先出家財以助
軍需募兵方略聚糧規模一一條陳出人意表而
辭氣慷慨義廳諸公歎曰不意此人乃能如是兵
糧略備五賢義檄來到而以玉林公及曹清江叔
姪崔三湖爲募義都有司日夜治兵同至全州公
病劇輿疾而行路聞和成痛哭而還因病革臨絕
一聲長吁曰吾事已矣

林時慶字子夏號鶴亭淳昌人時儁弟也生于 萬
曆己亥天稟純粹幼不好戲性篤孝友氣節行誼
爲儕友所推許與諸兄嘗觀忠臣烈士之傳擊節
而歎曰爲人臣者雖身在草野而忘其殉義之心
者非講學人也平居謹守操節擇善以友鄉人服
其高行從諸兄倡義糾合糧餉器械協心竭力曹
清江歎曰君家忠勤素所稔知豈圖誠勤至此乎
兵出之日與之赴難至清州聞和成痛哭而還鄉
謝絕名利以布衣終其將沒三復匪風詩顧謂子
弟曰吾死後以 皇明處士書旌一言不及家事

林時益字君信號默巖淳昌人太學士號杜門齋先
味後王簿大年孫參奉坦子公生於萬曆丙午
天姿穎悟踐履安詳學識行誼見推一鄉平居不
以貧匱爲憂不以聞達爲急惟孝友盡道嘗詠庭
上古松日落落孤松節蒼蒼貫四心風霜能不屈
獨秀大冬岑逮丙子亂大駕在園中徵勤王兵
公流涕憤惋而起往見三從諸兄曰國事蒼黃
有生者可效涓埃之報况吾家素以忠孝著名豈
可惜一死以忝先烈今曹公守誠起義可與同事
與諸從往見之誓以同歿王事辭氣慷慨諸公

稱道不已竭力召募資助軍需與一鄉同志至清
州聞講和痛哭而還鄉無意當世隱居行義以白
衣終于家

湖南丙子倡義錄卷之四

湖南丙子倡義錄卷之五

羅州舉義通文

右文為舉義事今者虜賊猖獗躡轢我疆場若涉無
 一人既食 國土且有血氣則安敢生哭殺之心而
 不效戴頭直前之策乎一道將士擐甲胄以赴賊所
 則為士子者亦當奮臂雪涕誓面帶箭之日也顧我
 一州素稱忠義之鄉豈無懷敵愾之憤而欲胸吞之
 者哉裂裳左袒一呼偕作雖木兵竿旗響集全合為
 王師顏行不其可乎伏願僉尊將此通文輪告一鄉
 毋滯時刻幸甚右通鄉所

此亦中先差勤幹色
 吏一人使令四五人

崇禎九年十二月二十日前察訪金璇 幼學羅海

龜 進士羅海崙 前別坐羅海鳳 進士洪南

柱 生員洪適 洪連 前叅奉吳以健 幼學

羅好義 洪致震 生員羅俊 幼學柳時一字

崔岱 吳守翼 羅休 李先葺

羅州舉義諸公事實

金璇字而獻號市西光山人己卯名賢軾四世孫護
軍富成之子生于 隆慶戊辰幼而孝壯而文乙
巳中司馬遊泮官光海戊午賊臣爾瞻倡廢母之
論公約同志士抗章斥之還鄉杜門養親丁憂喪

祭從朱子家禮以行誼名于湖南為張谿谷維鄭

畸庵弘溟所推重癸亥 仁廟改玉連 除叅奉

禁府都事察訪終不應 上命賜米肉復其家甲

子适變與羅海鳳傳檄道內募義旅旋聞适就戮

而止丙子聞 鑾輿播越與十五人發文諭境內

時同州前翰林梁公曼容與玉果縣監李公興淳

等倡義公將欲應之日夜召募願從者衆誓士之

日作詩勉之有主辱臣當死之句衆皆感泣公時

年七十病忽劇使子時皓代領軍送之曰吾老且

死不能從軍愧古人與疾之義也君父之讐義當

忘軀汝其勉之及聞和成撫膺長嘆年七十五終
有遺集丈庵鄭相公浩表其墓本州及靈巖人俱
立祠祀之時皓亦以薦授衛率官至縣監

羅海龜字應疇羅州人高祖逸孫直長 贈左承旨

見靜庵趙先生光祖 賜死棄官歸鄉與林鵬等

十一人徜徉江湖世稱已卯賢流曾祖昶弼善選
湖堂忤金安老罷官放鄉里仍號止齋父副護軍
德讓忠烈公德憲其從叔也德憲嘗奉使虜庭費
之不屈 當宁辛丑褒其義 賜謚忠烈公者也
公生于 萬曆辛巳受業於姜睡隱沅剛毅有氣

節光海朝州之凶徒附爾瞻助成廢 母之議公

嚴辭斥之凶徒啣之時公發鄉解赴會圍凶徒囑
爾瞻罰停其舉尋解凶徒又分送俸米誘說威脅
俾從其議公却不受爾瞻大怒使東庠官永削名
而迫黜之公作詩道其志且曰適中吾所願更不
事舉業自幼篤於孝友及遭艱哀毀幾不全仍以
永慕扁其亭丙子聞南漢被圍與弟海鳳謀倡義
問於從叔德憲德憲長歎曰此吾志也顧吾自虜
庭還病衰不能自力從軍爾其勉之公灑淚起義
旅赴難路聞和成罷兵還杜門屏跡築亭石濠江

丙子傳事金之卷之五
上作詩曰南漢山靈若有羞故令雲霧鎖城頭千
秋烈士無窮恨瞻望 皇朝涕自流年八十終遺
命題祀板曰 皇明遺民石濠居士

羅海崙字應淑號松島 贈叅議德謙子也生于
萬曆癸未貌甚偉文藝夙成與其從父兄弟海龜
海鳳受業於姜睡隱沅門甲子中司馬試親老而
貧窮自樵以供甘旨丁憂六年侍墓哀毀踰禮淚
洒處草爲之枯以孝舉除 孝陵叅奉丙子與同
志諸人倡義從之者多本州人推以爲義將丁丑
正月設壇於錦城館之南分部以崔億瞻爲書記

牧使吳竣見軍容歎曰今日敵愾非君而誰行到
公州與義兵大將鄭公弘溟論兵事鄭公大喜曰
義士皆如君事可成矣時賊騎已南下天安公曰
國勢危急不可遲滯促兵赴難聞和議成北向痛
哭屢日却食回軍完城備酒食犒饋而罷遂杜門
訓誨子孫三子七孫俱中司馬第二子儆有膽略
年十七陪父從軍從妹婿崔彥觀違軍律拔佩刀
擊傷其左臂曰軍中無私諸義士稱歎之

羅海鳳字應瑞號南礪海龜之弟也生于 萬曆甲
申十歲能文賦少師姜睡隱晚游於沙溪先生之

丙子傳事錄卷之五
門以文學行誼名張谿谷甚重之二十三登司馬
光海戊午本州賊金佑成等附爾瞻將上凶疏公
正言斥之李相公元翼立異於凶論而被譴公上
疏訟之凶徒銜之削名泮籍於是歸鄉里杜門讀
易癸亥 仁廟改紀以遺逸 除叅奉別坐別提
甄出旋還竭力養親遭艱六年廬墓扁其廬曰終
慕甲子迨叛公發檄道內與進士辛惟一起義旅
旋聞賊平而止丁卯亂沙溪爲號召使辟公爲召
募有司是時朝廷有和議而谿谷管籌司公寄詩
諷之曰六月飛霜不是冤吾知朔氣遍乾坤煩公

入告敷文德鎖鑰何人又北門又曰關西千里戰
塵飛始信和親事却非金帛豈能存社稷莫如今
日一戎衣遂與義將安公邦俊高公循厚合兵登
道聞寇退馳進礪山扈送 東宮公見虜情叵測
亂將不已退讀兵書手抄陣圖秘訣及觀氣法名
曰登壇必考序之曰 天啓以後羞深跪犬意切
嘗膽憤鬱之志積中慷慨之衷著外每欲持劔而
斬賊奴願一殞身而報 皇明丙子聞 大駕入
南漢與兄海龜及二子俊休約一鄉同志倡義及
見徵兵 教不勝悲憤刻期督旅草檄遍諭將行

丙子傳事錄卷之五
五
適有寒疾二子請替公責曰遺賊 君父罪之大者與賊俱生耻之甚者吾未耄老豈忍以一時疾退步與諸義將合兵赴難聞和成憤慨作詩曰痛哭復痛哭國無可奈何江都還失險南漢繼求和咄彼朝廷士徒然食肉多班師歸去路雙泣血滂沱又曰吾其披髮矣慟哭此人間罷還遺世事觴咏山水間以寓志年五十五終有遺集尤菴宋先生時烈序其詩曰坤門韻今日最可讀而於抄軍之義尤有所感也金文谷壽恒李陶庵繹皆表章其節義文章鄉人立祠祀之長子俊字冠千號溪

叟生於 萬曆戊申學於谿谷從尤庵遊乙亥中
生員試丙子陪父赴亂主兵事罷還逍遙溪山以
書籍自娛尤庵題其廬曰溪居每值 神毅二皇
帝諱辰入錦城山中舉哀畏齋李相公端夏奉使
南州一見而歸贈書曰南來從遊此行不落莫李
西河敏叙有詩曰炯如寶鑑閱塵由南宜拙二星
語人曰冠千南中之砥柱除 宣陵叅奉不就年
七十終從祠南礪次子休字有容號水竹生於
萬曆甲寅有氣節及倡義以父命主軍餉庚寅中
生員年八十二終。

洪南柱字立夫豐山人舍人侃後司宰監正遵憲之
子也生於 萬曆丙戌性仁孝丁酉倭變父母俱
歿於亂時年十二招魂而葬三年泣血服闋就師
力行文藝超凡金象乾倡義使千鎰之子也一見
而奇之約與婚後千鎰父子歿於倭家勢零落人
或勸之他娶公曰是吾父與金公所定之婚不忍
背也遂娶而爲婦人服其義戊午中司馬與三從
弟適連姪致震等協力倡義赴難道聞和議成歎
曰言之嗚咽生不如歿罷歸壁書 崇禎二字以
寓忠憤事在邑誌

洪適字武甫僉樞廷達之子也生於 萬曆乙未有
異質篤於孝友家庭之內人無間言戊午中司馬
時當昏朝 大妃在西宮公獨抱疏三日伏閣其
略曰天不可一日無地國不可一日無母臣不忍
坐視國母之危爲闈人之所阻不得達癸亥 仁
廟改玉特 除叅奉賜小學中庸家禮等書丙子
與鄉中一家諸人倡義赴義陣聞和成罷歸自靖
自稱 大明逸民錦隱居士鄉人立祠弟邊字枰
甫生於壬寅有膽力才兼文武從公舉義
洪連字秀夫號适居廷噐子適從弟也生於 萬曆

辛丑志操卓犖以文華名癸酉中司馬當丙子慨
然有敵愾之志與適及從姪致震約同志之士發
文聚衆馳赴義陣聞講和揮涕罷歸詩酒自娛列
植花卉名亭不貧甲申以後益不勝悲憤終身不
向西坐韜晦以終享年六十九有遺集藏于家

吳以健字強叔號檜軒羅州人敵愾功臣參判羅城
君自治五代孫祖彥彪丁酉亂以號召官戰歿父
克義禦侮將軍公生於 萬曆乙酉庚戌中司馬
試以勲臣嫡孫 除參奉再陞秩爲同知中樞天
性忠孝甲子與辛惟一羅海鳳募兵馳至蘆嶺聞

賊平以其糧遺道伯補軍餉丙子亂與族姪守翼
慷慨流涕曰吾家是勲臣之裔何忍坐視 君父
之危乎遂挺身赴義陣道聞和成歎曰豈意禮義
之邦遽爲腥羶之窟乎還家杜門勉子弟以忠義
律身以小學年六十五終于家

羅好義字正甫海龜三從弟也父德弘生父德昌官
公州判官生於 萬曆戊子局量出人丙子亂從
叔德憲執其手曰春間虜庭之辱尚忍言哉此正
吾效死之秋而爲虜庭所傷不能從軍已勉於海
龜海鳳兄弟汝須體我意相率赴難以雪 君父

西子傳事錄卷之五
八十一
之耻公遂與同志之士倡義馳赴于義陣道聞和成還鄉謝京洛終于家

洪致震字子起適從姪也父遠號松菴壬辰亂以監正倡義公生於萬曆己亥穎悟英發五歲遭父喪哀毀如成人事母孝累登剡牘丙子與同志諸人起義旅即赴難聞和成而歸自靖丙戌終于家子命基字定中文藝夙成丙子倡義時年十六曹守誠知其有才智俾司器械糧餉翌年正月安牛山邦俊亦倡義召爲從事命基以父子分陣難之公曰王事一也義不可不赴即遣之命基受命

赴安牛山義陣前至礪山聞和成而罷歸俞忠文公彥鎬銘其墓曰一區獨戴大明日月

羅俊事實見上

崔岱字中立完山人縣監可平四世孫郡守弘贊子也生而有異質養父母盡誠孝丙子與諸義士募義旅赴難聞講和罷歸杜門謝世以布衣終

吳守翼字子郁改名文錫以健三從姪禦侮將軍以敬子也生於萬曆己酉有才局丙子聞南漢之圍歎曰吾以忠勲子孫當國家之危急豈不捐生盡節乎與諸義士赴難聞和成憤泣而歸訓後

進終老林泉

羅休 事實見上

李先葺字益夫號潘溪咸平人咸平君克明六代孫父都事完號七亭甲子適變聚兵糧赴難聞迺誅以糧遺道伯補軍需公生于 萬曆辛亥性仁孝竭力事親躬執炊爨丁憂居廬哀動傍人昆季四人寢同一衾丙子倡義即赴難聞和成痛哭而歸年五十一終

林光胤字顯述平澤人祖英秀錦湖亨秀之從弟也壬辰以宣傳官戰亡父桂丁酉南原之戰敗歿祖母吳氏母鄭氏從歿於兩難公生於 萬曆癸酉十歲吮親疽而瘳及父母歿持其衣履招魂葬之三年廬墓朝夕拜跪以寓蓼莪之痛名其堂曰寸草昏朝廢母時公在太學上疏爭之被驅逐仍廢舉業甲子適變先遣二子至 行在且募兵赴難聞賊平而止丙子與諸義士倡義而年老疾作又遞送二子力助兵糧及和成痛哭杜門年七十二終鄉人慕其義享于錦江祠子蟻字子昂號珍巖子蚪字子高號梅雪堂世襲忠孝以父命同赴難而返事見甲子募義錄

林公光胤以下十人不見於通
文舉義事實昭著故并附於此

李廷楯字叔衛號北亭弟廷棟字季鎮號慕窩全義
人麗朝太師棹後祖曇進士 贈戶曹參議號雙
碧堂父容濟號後凋堂丁酉出守興德值島夷之
再御治戰艦以爲水戰之備時本道兵使李福男
與天將楊元守南原知其有禦戎之才移檄召之
縣監公謂左右曰吾以水戰爲歿所矣今南原危
急一歿何擇於水陸卽倍道馳進兵使喜而握手
議防禦之策甚奇之及城陷軍官金成特疾入呼
曰徒歿無益姑避凶鋒以圖後功縣監公笑曰不

歿於 國非忠也見賊而退非勇也作一絕詩曰
男兒殉 國志三尺玉龍知與李福男同日力戰
而歿 仁廟朝 贈兵曹參判 英廟朝旌閭公
生 萬曆辛卯自少慷慨有志節季氏少於公二
歲丙子伯兄廷楨守龍川公兄弟在伯兄衙中是
冬金兵猝至兄弟三人握手相議曰吾父於丁酉
亂爲 國殉節不肖子在世常以不復父讐爲高
從厚罪人今又賊虜猖狂凌我 宗社爲國雪耻
何擇於胡倭卽日治行方發之際義州府尹林慶
業狀 啓于 朝以伯兄兼任之報來到公兄弟

丙子傳事錄卷之五
相泣曰家兄既已許身於國又帶重任於邊鎮承先烈報國讐正在此時急歸本家當起義赴難日夜倍道十日到家則伯姪煥以募義有司已赴於和順曹守誠幕下矣兄弟相喜曰吾姪以二十歲年少已爲倡義有司可以歸報先考是時五賢倡義傳檄道內而曹守誠爲都有司與伯姪煥收兵赴礪山公兄弟卽率家僮七十二名願從者八十三人收聚糧米三十八石弓箭槍劍等物急到礪山則義兵已發矣遂馳至清州城下之報來到兄弟相向痛哭曰事已至此吾其左袵矣因還

沉綿成疾兩日之內兄弟俱逝

鄭存仁字德祖號守愚河東人錦城君盛後八世祖景烈公地當麗季以按撫使平倭三道人民賴全焉恭讓朝拜門下評理不赴而卒後人慕其功烈立祠光州七世祖耕監司祖穎文崑皆蔭仕以萬曆癸卯生公少有志節文藝夙成張谿谷維宰本州時美其姿品勸令學乃受業於崔處士璵篤學力行成大儒性至孝事親禮敬備至遭艱廬墓終制當昏朝聞廢母議作歌痛斥凶徒爲其所忤至於黜鄉公不介意焉平生慷慨自守及丙子

亂遂從金璇羅海鳳諸公倡義赴難至清州聞和
成痛哭而歸常讀春秋以寓己意訓後進杜門五
十年自稱 崇禎逸民而終年八十五事載邑誌
崔億瞻字以岌耽津人平章事耽津伯思全後 贈
校理號栗亭鶴齡曾孫正言四勿孫瑒子錦南溥
其從高祖也生於 萬曆己酉自髫齡有進學之
志孝友篤至氣節卓犖文之以經術癸酉中生員
試丙子投袂奮起與羅海崙諸人倡義募旅海崙
知其瞻敏任之簿記到清州和己成投仗裂旗而
歸絕當世扁其堂曰水明優遊自適年七十終

柳時泌字長源號高巖文化人七世祖自涓官監察
號西山 端宗朝立節 贈左贊成六世祖軒官
大司憲號西坡謚文簡名著戊午祖節參議父希
達府使公生于 萬曆辛亥天資剛明器局寬弘
以忠義爲己任當丙子虜亂聞南漢被圍奮然有
敵愾之志從前察訪金璇等舉義募兵糧馳赴本
道義陣路聞和議已成北向痛哭而歸終身廢科
業隱居以終

鄭瀾字揚彥號竹友羅州人雪齋可臣後景武公軾
六代孫祖正郎謹壬辰從倡義使金千鎰討倭公

生於 萬曆癸未才局夙成智謀過人丙子冬聞南漢圍謂從叔前府使如麟曰賊虜猖獗國勢蒼黃此政臣子效死之秋如麟奇其言見牧使吳竣借戎服兵器與之仍慷慨揮涕曰吾於壬丁之亂俱效力今年踰七十不能自力兩兒泚潑俱有奇劍之才可與之借往瀾遂與泚潑及其從弟洋倡義曰方今一鄉同志舉義以應五賢可往從之遂馳赴義陣聞媾成而還杜門謝世事載邑乘廉振國字匡叔號納爽亭坡州人忠敬公曲城伯梯臣後祖喜副正父公獻生父公弼適變募兵赴難

公生於 萬曆辛亥氣宇魁偉早從尤庵宋先生遊文學既成洪北汀處亮薦于 朝除童蒙教官丙子亂聞南漢圍謂表叔前府使鄭如麟曰主辱臣當死木兵竿旗雖似螳螂之拒轍履腸踐血庶竭犬馬之誠誓不與此賊俱生乃與一鄉同志倡義赴難聞媾成而返寄意江湖經籍自娛柳時輝字輝叔號溪隱文化人監察 贈左贊成自湄七世孫監司繼先五世孫習讀希榮子公生於萬曆丙午爲人勤儉孝養父母生歿無餘憾當丙子聞亂慷慨而起曰 君父蒙塵此正志士捐軀

西一傳義錄卷之五
十四
之時與鄉人同志起義赴難聞 朝議已定顧謂
諸義士曰 國事至此與諸公同歸蹈海可矣罷
兵而返杜門屏跡以終其年

鄭之說字殷老河東人六世祖希周掌令曾祖文孫
生員以孝旌閭父時繼將仕郎以 萬曆丁酉生
公甲子登武科不汲汲於宦路以養親爲事當丙
子亂見忠志之士相繼起義遂奮起得兵馬以赴
義陣聞和成罷歸後 除訓練主簿終不就

曹弘業昌寧人高麗典書秀瞻後曾祖希禎祖稹俱
至孝父母之喪相繼居廬鄉人名其洞曰侍墓父

義立有膽略丁酉率家僮擊倭却之奪其二鳥銃
又納米補軍糧弘業丙子亂聞羅海鳳等舉義願
從之諸公奇其志專委軍餉別辦米九十斛以補
之同赴難聞講和消息將罷撫其鳥銃而泣下曰
是吾父討倭時所獲也吾欲將此以解 君父之
圍今無可用之地歸納于官蔽之軍庫事載邑誌

和順舉義時日記

曹公守誠長子煜所
錄時以書記從行

崇禎丙子十二月二十五日 行宮頒教文來到公
方朝食奉讀未半哽塞不能語因輟食即招從姪進
士焜使讀 教文焜亦慨然流涕公語焜曰吾家世

受國恩報効無地國危如此正主辱臣死之日也吾雖駑劣願倡一隊義旅赴死國難君肯從我乎燒起拜曰微叔之言姪方欲請之既聞命矣敢有異志然虜騎充斥國勢窘迫便可卽地赴難不可時刻差慢也公喜曰君言正合吾意具冠服辭于家廟告以勤王歿敵之意家屬多有涕泣者公張目叱之出坐外堂召子煜孫挺有語曰汝等不可俱歿煜當從我挺有留奉先祀又招首奴山伊戊辰金龍伊等分付曰君臣奴主一義也吾將以臣歿君汝輩以奴死主可也且吾已決歿少有違令者斬辭語慷

慨奴皆感泣畏懼莫敢仰視但唯唯而已燒曰兩家雖有略干家僮不可以此輒行必往邑中設募義廳辦備戎服軍器其間必費多少日子奴輩父母妻子或有頻數往來之弊則不但紀律之不嚴軍情將有逗撓不堅之患公曰諾乃招兩家僮奴之妻與子數十輩伏之庭下厲聲分付曰若屬皆至愚匹婦豈知軍法乎軍法女子入軍中則斬行軍之際或瞻望涕泣則大不利於軍事若屬或以母訪子以妻訪夫以姊妹訪同產托以餽酒餽飯或晝或夜足迹或近於義兵廳而綻露則吾將負之以鼓徇示軍中梟首軍

門外次誅犯律者之夫若子婢屬皆戰慄又以溫言諭之曰人孰無死於國事死且爲義鬼且行軍者未必死幸或殺賊成功則國家必有褒賞之典我且以白文放贖汝等矣分付畢即使驅出家事一無所言點得家僮五十三名從姪家奴丁四十六名發牌萬淵寺取青色令旛一雙銅角一雙錚鼓各一出家中所有馬上刀二口公與從姪分佩鄉中大小民人莫不聳懼咨嗟家人進酒饌公素不喜酒是日命進大觥與從姪連飲五杯遂上馬二卒執旗導前鼓一鳴家僮百餘名已滿街巷無一人落後者公居

前從姪在後徐驅向邑中縣監柳萱聞公叔姪之至慌忙出迎執手相泣設義兵廳於客舍中大廳門外鄉儒林時泰崔鳴海亦奮然來會公大喜曰二公來助大事濟矣一邊鑄造兵器冶匠七名弓匠五名一邊傳檄列邑各付有司綾州梁禹甸文悌克閔彭齡南平徐荇鄭槃尹俶羅州崔震崗柳浚洪命基李煥光州高傳立朴思遠柳東煥申澤同福丁好敏金聲遠公與從姪守義廳公之子煜往來家中領辦戎服糧餉之事崔鳴海林時泰及從弟守憲從姪燦分主募丁買馬等事○二十六日午後崔鳴海募來九丁

黃昏林時泰募來十七名公謂諸有司曰 國家存
亡在於朝夕吾輩出萬死倡此舉當星夜赴難不可
曠日遲滯吾非不知傳檄湖南各邑而只傳於隣近
數邑蓋恐其浩煩遲延之患也行軍急務糧餉爲先
遂罄家儲出米二十三石從姪亦出二十石崔公出
十石林公出八石公謂子煜曰汝當歸家更飭軍服
糧餉等需且兩家收拾軍丁殆近百數而非盡是奴
屬戶下良丁居多實被威脅驅使而來豈有募義樂
死之理其身雖在此其心必在家汝須厚爲撫恤廩
其家屬之飢寒者以慰軍人之心亦一馭戎之道也

鄉儒柳涵入來曰聞諸君之舉義特來相助仍招邑
居閒良金振聲金魏徵裴弘立片成大韓命男等商
確行軍規模募丁方略柳涵亦當募丁事自願赴義
公之孫挺有輸來糧米以裴弘立爲軍餉色吏捧置
糧米於廳前庫中以片成大習於陣法爲隊伍長使
調習軍丁以應義輸糧之意遍告各面各村○二十
七日發牌於萬淵寺綾州雙峰寺石泉寺南平雲興
寺同福靈鳳寺維摩寺順天松廣寺西南寺光州證
心寺靈巖道岬寺海南大菴寺僧處使收納戰笠等
物從姪家輸納糧米以金魏徵充領兵軍官使之寫

軍案運置各寺各村大鼎中鼎及各家鼎合十六箇
於軍中使軍卒十六人作番主餉糧米則軍丁一升
義廳會員七合磨鍊下萬淵寺僧智森智環景勳等
別獻紙十束爲軍中日記之資鄉人張慶洽盧德量
等膂力過人別請入來語以同事意盧辭以親老公
曰汝有兄二人非獨子無兄弟者昔在魏公子軍中
必不許爾歸養曉以主辱臣死之義盧亦感悟更不
推辭鄉儒孔遇吉孔亨吉等來軍丁十五名糧米各
三石自當崔起宗來軍丁十四名糧米八石自當林
時敏林時慶林時益林時儁林時啓等來軍丁十八

名糧米二十五石鐵四十斤自當皆願從義陣公喜
曰諸君勤於應募如此非忠義之素蓄積者能之乎
孫挺有輸來五石米公謂曰烏合單弱之卒當一犒
以增氣汝可得大牛二隻爲明日餉軍之需領命而
去當夜公與從姪及崔林明燭看兵書夜已過半色
吏士卒皆睡倒地主柳侯暗使人覘之歎曰舉義屢
日吾每使人夜覘終始不怠愈往愈篤草野忠憤能
如是食祿者當愧死遂許保人官奴三十名料米二
十石且傳語曰本邑兵器已輸於上營元軍今方特
造弓箭四十部長槍二十柄以助義舉公答曰今番

西子傳事錄卷之五
之變非甲子之比當星夜赴敵不可畱滯時日所許
保丁明曉招送可也柳侯許諾○二十八日朝食後
柳侯所送軍丁三十名一齊來現其中李大者爲名
者有蹇病有徐池金者自言父母俱歿未能掩土故
特許還送從弟守憲以家僮五名及募丁寸名糧米
四石剛鐵三十五斤來庶弟守天募丁七名來孫挺
有入來曰大牛二隻已辦得公曰當明日爲犒光州
南平同福有司來到公使從姪及崔林兩人出迎於
軍門外入則相揖叙賓主而坐光州有司高傳立曰
公當老境挺身舉義此所謂聲大義者明目張膽不

計歿生也軍丁糧米器械當極力募得這這領送公
曰吾雖先倡非公等之和而應之安敢望赴難乎幸
望諸公皆歸剋期多募諸有司領諾而去午後雪下
晡時李興淳梁曼容等義檄來檄文中以公叔姪崔
林兩人付和順募義有司公曰吾儕四人已倡此舉
而此檄又至何不謀而同也然已聚略干兵糧只可
合力於赴敵不可投附於麾下即使崔鳴海往李興
淳營中觀其治軍且告會兵日子綾州有司三員乘
昏齊到曰義旅粹難多得只得七名於校生中糧米
各出於家聚十石領來劔箭及馬匹當還歸極力募

送公曰諸公皆在隣邑發檄屢日無一人來頗以爲訝軍丁糧米募聚領來可謂敏於事而勇於義本縣西面所募軍丁九名米五石馬六弓七箭二十部鳥銃二槍三戰笠九軍馬器械令訓練色次知糧米令軍餉色次知是夜與綾州有司商確達曙○二十九日平明挺有以糧米十石牛二隻來從姪家米十石來諸公歎其勤幹曰有是叔有是姪朝食後米八石自崔鳴海家來七石自林時泰家來柳涵以軍丁八名米五石太五石箭竹五百箇鐵三十斤來日事急難以多募公曰以君家力不圖至斯可嘉其勤敏也

綾州有司將告歸公挽之曰今日可觀犒餉調習之節孔遇吉孔亨吉以奴丁五名米十三石來崔起宗募丁七名米八石來林時敏五人所募軍十五名米十石太七石醬五甌鹽一石本縣東面所募軍丁九名糧六石太二石鐵百斤槍一柄馬八匹布五匹箭十五部戰笠七箇輸來卽令韓命男裴弘立設犒軍之備片成大點軍案公曰兩隻牛不足於犒急送家奴山伊牽來奴伊金家牛隻使并宰之有頃韓命男來白曰牛則已宰且烹酒當用幾何公曰此犒欲增士氣之舉期以盡醉何可預限命男遂以牛酒先進

丙子備事錄卷之五
二一
於義廳公曰姑止之當調習軍容而後餉之從姪曰
諾且爲將之道不可先士卒飲食公欣然稱之卽與
諸公就閒曠之地伐鼓揮旗結方圓等陣一齊進退
隊伍嚴整遂操閱數次而止令進牛酒大犒士卒醉
飽多有喜色午後綾州有司辭去羅州柳浚送軍丁
七名箭竹四百箇弓十五大刀二都狀義廳身病不
能躬進姑待少差便可馳進云云俄而崔震崗洪命
基兩人亦以軍丁十七名長箭十五部弓四鳥銃五
來公喜執崔手曰勤敏不當如是耶勉以更募赴期
之意命進酒饌待之分付韓命男厚餉羅州新到軍

人鄉儒朴尚真素以膽力稱且有義氣慷慨人也是
日義廳諸公相議曰吾輩倡此舉已過五六日而斯
人尚今不至甚可異也遂別請入來語以同事意朴
沉默良久始許諾又許家僮十七名米十石太三石
長刀一片成大納米二石醬一海金魏徵納米二石
太二石初昏柳侯送牛酒于義廳夜旣深軍人有酣
酒相闕聲聞帳中卽令片成大查出得犯罪者五名
決棍各七度○三十日平明點閱軍丁令片成大金
魏徵自今爲始日兩操閱終日習射綾州有司輸送
軍丁十名糧八石太二石馬五匹箭十三部箭竹三

百箇又送冶匠五名弓匠三名膠角等物同福有司
輸送軍丁九名米四石太三石弓箭五部光州有司
輸送軍丁十五名米九石長槍六柄箭竹七百箇馬
三匹公喜曰列邑諸公應募亦甚勤矣以隨得輸送
之意申告本邑親友家所募布十一匹入來召訓練
色吏問士卒無軍服者幾何片成大對曰各宅奴丁
自各宅已辦服官奴及保人自官亦辦服綾州及光
羅同南募來軍未及備服今有十四匹募布當次第
製給崔鳴海曰非但戎服士卒中衣熒凍寒者可製
衣與之座皆稱善林時泰曰不可無大旗幟裁四匹

布作二大旗畫以虎豹鷹鷂之屬孔亨吉送旗竿長
竹五箇公謂挺有曰汝可得布十餘疋來挺有對曰
姑無見在布可待三四日公曰差晚矣因與諸人講
論行軍方略挺有自外來告曰俄聞岳丈亦起義旅
岳丈安牛山邦俊也公歎曰此老平生吾已習知舉
義規模必多可觀移書勉之曰 國家存亡在於朝
夕爲臣子當沫血蹈刃萬死猶甘弟實不量駑劣敢
募義旅以圖赴難仄聞 尊兄亦倡義舉節制設施
豈與碌碌者比幸望剋期同赴云云卽召從姪語曰
今考軍案執弓把槍者已至四百餘數便可發程林

西一借事金一卷之五
時秦亦曰 國危日急不可遲滯而顧此所聚都是
鋤耨白丁不知操弓不知乘馬必須操鍊數日待知
方向然後便可倍道兼進從姪曰農民不慣乘馬且
馬數不給不如純用步兵所得馬匹可用運糧械邑
中募得壯丁二十七名布六匹來萬淵寺僧納醬五
海乾菜百束招致帳前賜之酒林時泰自袖中出小
冊子乃軍中約束也凡八條一軍人無得喧譁奔突
一軍人十名式遞番達夜巡更一接戰時賊兵或有
遺棄什物若刀槍取之其他勿取一鼓進金退赴湯
蹈火敢有退步者斬一軍中炊飯時當以鑼爲令一

齊炊飯一齊喫飯若或差池者查出火兵及隊長決
棍五度再犯者斬一義廳諸員雖皆鄉隣儕友旣入
軍中則不可無將幕肅敬之禮一軍人及義廳諸員
皆佩號牌事蓋自草條約也座中傳觀一遍稱善不
已林辭謝曰皆古人糟粕非自己創出使片成大曉
諭軍中○丁丑正月初一日雞三鳴公招軍餉色吏
誠之曰今日異於他日且行軍之期不遠犒餉之節
不可草草大餉則當以日中朝前不可無別餉且工
匠輩不得交睫者已至屢日今日半日特許輟役一
體厚餉色吏領命而退且顧座中曰吾等欲以一隊

鳥合之卒將抗數十萬不測凶鋒何異螻蛄之拒轍
哉若能一心一力則庶幾殺一賊舉一旗以報天地
生成之澤且執兵而歿分內事也元日一年之上日
諸君可合席飲酒以堅歿義之盟如何座皆慷慨領
諾辰時軍吏來告曰已辦餉軍之需請先點閱公及
諸公就閒曠之地復試坐作進退之節申以違律按
法之令軍丁皆依伍俯首不敢誼譁主倅柳侯出見
歎曰數日之間山野白徒何若是鍊熟也公曰民等
實不知兵法皆色吏片成大之力柳侯嘉歎不已賜
成大卮酒大餉而罷是日各家所餽酒餅魚肉數十

噐一半出給軍吏以充犒需一半出給工匠以爲夜
役療飢之資○初二日習射於蒜山下崔起宗林時
敏來時敏送麩子百圓同福光州諸有司來到曰李
興淳等檄文又到酬應自歧公曰吾與李公均是爲
國家歿賊之義吾之士馬噐械李公所資李公之兵
甲糧餉亦吾所用且吾已略募而李今始募諸公當
酬應於彼諸有司皆歎曰公言 國耳公耳綾州雙
峰僧有覺等來獻戰笠四十箇熟麻大索二百把油
衣五件光州有司辭去同福靈鳳僧納戰笠十三箇
麻靴五十葛靴一百二十熟麻大索四十把維摩僧

丙子借善金不卷之五
二一五
納葛靴二百油衣三件鐵三十斤紙十束○初三日
大牛一隻自崔鳴海家來一隻目林時泰家來崔王
簿送米五石醬三瓶安牛山答書來羅州有司自領
募丁十三名來林時敏崔起宗來終日講軍事○初
四日平明崔鳴海自李興淳幕中歸公問其詳對曰
舉義屬耳招募只四十七名列邑姑無應舉者倡義
規模別無異同礪山相會固其願也云云孔亨吉林
時敏各送一牛午後操閱數次而止○初五日習射
終日○初六日雨雪大降平明點閱軍額收拾糧械
等物軍丁四百二十四名馬四十五匹弓百五十箭

三百八十部槍八十五柄銃五十二火藥九十斤劍
六十三柄糧百十五石十斗公議諸有司曰行兵之
期只在數日後而軍糧見在者甚少奈何朴尚真曰
事至於此有何係吝宜罄家儲助軍費座皆稱善公
先出十石從姪出十石林時泰七石崔鳴海七石朴
尚真七石孔亨吉四石魏徵成大等私募得十二石
合一百七十三石公謂軍吏曰明日犒軍可用酒餅
飯三件物斯速辦備以待分付色吏領命而退金魏
徵私募來二匹馬柳侯聞之復送馬二匹公及諸公
一齊入謝柳侯設饌相待○初七日朴尚真得長箭

三十部以進柳涵得來馬二匹南平有司徐行綾州
有司梁禹甸來公曰今士馬糧械略備便可卜日發
行諸有司皆曰諾徐荇曰初九日好十一日尤好於
是以十一日發程意徧告軍中閱兵習射○初八日
光州有司送馬四匹戰笠二十箇槍二柄糧五石太
三石朴思遠自領來松廣僧雪鶴等五名來獻油衣
十件戰笠四十箇大索二百把海衣百二十束葛靴
百箇謝其晚到之罪賜酒遣之○初九日習射放砲
於萬淵山下○初十日平明雨從姪家犒軍牛一隻
酒五瓶來孔亨吉林時敏各送牛一隻從弟守憲送

酒六海青魚二十束挺有以酒五瓶大口魚十五尾
餅五噐來林時泰家雞十首酒二瓶來柳涵家酒二
瓶青魚十束來朴尚真家餅三噐酒二瓶小犢一隻
來盧德量張慶洽等各進酒二瓶狗三首是日鄉中
士友及小民送酒肉者不可殫記午後餅八噐自崔
鳴海家來合計酒八十餘瓶餅飯五十餘噐魚肉四
十餘噐命置三十瓶酒一隻牛於庫中以待明日發
行之犒餉片成大日軍中不可無行饌願以一牛及
雞狗合作肉醬許之從姪曰當初不許家僮親屬之
往來者蓋恐其逗撓軍情也今日生離死別之日竊

聞本邑他官士卒父母妻子填塞街巷不能相面多
有望泣者云今日則特許就餞此亦體情之道公許
之并令召入於是男女駢闐飲食淋漓無復紀律特
於別處設一宴出給犒軍酒肉或有垂淚不肯食者
午後大閱餉軍而罷脯時淵寺僧智環智森等進飯
米二十斗山菜二百束壯紙五束油紙二束麻鞋六
十箇○十一日雞鳴公招軍吏分付曰今日必發程
促令士卒急起炊飯出給畱庫酒肉平明柳侯持酒
出餞親自執酌勸公及諸有司曰諸公今日提挈義
旅往赴 君父之急生當爲烈丈夫歿可垂名於竹

帛萱則食祿之人也事當分領一隊歿於行間而顧
此鈍劣懷祿畏歿坐餞諸公慚愧慚愧公及諸有司
皆拜謝曰民等不自度量猝倡此舉智短力綿百用
俱掃專荷賢侯之顧助幸當發程之期耳柳侯辭讓
再三公遂喚軍色飭其裝載軍色曰前後所得馬五
十匹除軍官色吏所騎八匹外只有四十二匹而其
中有兒馬六七匹不敢載糧公曰兒馬不可負重則
但載弓箭等物餘可盡輸載糧米復令五十丁負糧
目前發程等待於板峙上糧九十石畱下庫中陸續
上送之意託於柳侯許諾復送三枝槍二柄令旛一

雙是日鄉人來餞者百餘人莫不咨嗟欽聳公及諸
有司一齊上馬令片成大執旗先導公謂從姪曰汝
可少住監督後軍一齊來到公與諸公策馬先行子
煜以書記兼子弟幕僚隨後到板峴運糧軍馬已先
在令片成大執銅角發天鵝四五聲衆軍已到山下
陸續上來一一點考有一卒後到乃隊長戊辰金爲
名者公之家僮也當日醉酒落後公怒將斬之諸公
皆固請貰罪公曰行未十里師律已愆吾以家僮貰
其罪則何以令衆軍乎卽斬以徇衆皆股慄從姪進
曰向者八條約誓中獨漏一款行軍沿路軍人或取

民家一物必用軍法公曰善卽以此意曉諭軍中日
已過午時矣催發人馬到光州士人來見者四十餘
人自當朝夕軍餉○十二日到長城府士人金地寶
金南寶李拙等三人持牛酒來見致馬料太五石草
百餘束○十三日到蘆嶺少歇軍馬風雪大作畱宿
嶺下○十四日到泰仁邑人李景煥等持牛酒略干
來見日不意草野之中倡此烈烈之舉吾輩不可齒
列於人類也因贈馬二匹弓箭五部長刀一柄○十
五日到金溝邑內○十六日到全州府住兵西門外
使從姪往見李興淳告以提兵來會之意李興淳兄

弟聞公來到顛倒來見從軍吏三人駐馬軍門外傳
語往復二次而後始入來公及諸公皆出迎相揖而
坐李公曰鄙等不知尊公已倡義旅曩日傳檄中誤
以公及令姪付之有司及聞崔君之言始覺尊公已
先舉義規模設施實非鄙等所及公答曰鄙等之率
爾倡此雖激愚衷而百爾思之殆甚蟪蛄之抗轍及
見尊公檄文始知主盟之有人而且感不遐之盛意
因指林時恭曰此乃公檄中所付有司而與我并力
舉義者也相與叙話且論行兵之事至夜乃去○十
七日平明公與諸公往觀李公調練法而來午後李

公親持牛酒來餉請見卒伍進退之節公與諸有司
卽就西原平曠處操習數次李公歎曰峽野農民何
其練熟於軍律公笑曰吾有領兵軍官片成大金魏
徵二人教之如此李公亦笑曰成大之名可成大事
今之魏徵不讓於古之魏徵黃昏李公歸○十八日
將發行公使從姪往李公營告以先到礪山駐兵相
待意李公卽偕來面約而歸是日宿參禮驛○十九
日到礪山畱待李興淳軍時本道監司李時昉領軍
在湖西鄭弘溟時爲義兵大將與監司合力公與從
姪商議曰吾已倡數百義旅行到此地期與李興淳

丙子傳事錄卷之五
三十一
等兵合力不可受制於他人從姪亦曰彼既爲元帥
與監司同事李等若來而合於彼則率我所募別當
一隅耳第觀李等之來以決方略公領之○二十日
留礪山府雞鳴命裴弘立下去本邑促輸來留置糧
米李興淳等兵至公及諸公出陣迎接○二十一日
平明李公問行師之期公答曰 國危甚急固當星
夜赴敵而吾以馬少不能多輸糧米發程屢日軍糧
見在者不足故昨送軍吏督運糧米姑待其來可以
進兵李公曰吾亦設廳不久忽遽發行軍器糧料多
有未備耳○二十二日朝大雨雪至午少歇操閱一

次○二十三日操閱二次○二十四日習射終日○
二十五日午前操閱午後犒軍李公起淳來觀○二
十六日午後裴弘立輸留糧九十石上來公問其輸
來之狀對曰自本官宣力特發民丁輸送已到長城
故仍領來出呈柳侯書簡盖行中都狀也遂令片成
大白李公以糧米旣到明日進軍之意○二十七日
到尼城日已黃昏駐兵於縣前公忽垂淚左右曰公
畏歿乎公收涕謝曰非敢如是昔吾先君爲此邑宰
沒于官余以獨身年甫成童扶櫬還鄉罔極之痛艱
辛之狀不可備說今日到此自然傷感座皆下淚俄

而邑吏朴時春楊白燁等持酒饌來現當朝夕馬料
納弓箭八部此兩吏故尼城公莅官時吏房朴得華
戶長楊春茂子也○二十八日遇大風雪留軍尼城
縣與李起淳等講軍事午後進兵到公州界時忠清
監司鄭世規軍敗奔還從姪素與鄭善以單騎往見
問賊勢強弱鄭見之大喜曰敗軍之將實不知賊勢
如何未及交兵而自潰慚愧慚愧草野舉義真烈士
夫事也與犒軍牛三隻米二十石弓箭二十部銳十
火藥等物率數十騎來見義兵諸將○二十九日到
清州西平原賊游騎多聚十里許山谷中不知多少

軍情洶洶恐有埋伏不敢輕進依險自守時列邑募
兵多道亡且賊勢逼近義兵諸將皆聚一處相議或
曰吾等以烏合單弱之卒輕犯凶鋒便同塊肉投虎
不如多張旗幟金鼓相聞以爲疑兵使賊知有救兵
之來到不敢逼城使南漢知有勤 王師之來到守
陣益固則此爲上計或曰賊之游騎已至此界則必
以重兵先截隘口以遏三南援兵矣輕進無益不如
移陣據險探聽消息以圖進兵公曰兵以義倡畏死
逗留足以貽笑不如棄了輜重從間直抵南漢保守
城堞李公等皆從其議○三十日平明遍募各陣中

往覘山谷中賊勢莫有應者梁曼容李起淳奮身請
往卽令五六砲手隨後登山俯賊賊騎數百聚於谷
中以其所掠牛馬且宰且啗起淳欺其單弱使其從
者一齊放砲賊騎大駭散而復合圍住起淳正在蒼
黃之際公與從姪及盧德量片成大等將勁卒五十
躡其後見李公被圍奮力衝進與梁公合力殺散賊
騎斬首九級獲其所棄兵器而還我卒死者二人被
傷者亦十餘人諸公皆設樂相賀公笑曰師出二十
餘日得此零賊九級何損於賊何益於 國家時風
雪苦酷義兵諸將皆移次於山下大村村人皆避亂

而去只是空舍然士卒皆樂其畱息○二月初一日
平明犒軍送健步者三人粧作野人狀往覘前路消
息捕得土人一老者問道路遠近通塞命士卒習射
終日以待斥候還報○初二日午後斥候來報曰前
路七十里未見賊騎南漢消息果無聞知云云復擇
輕捷善走者二人往探消息進兵二十里○初三日
平明義兵諸將復會一處點閱軍兵各陣亡者三十
餘名而我軍道亡者亦七人查其隊將決棍三度嚴
申約束犒軍畱止○初四日雞鳴造飯餉軍將欲行
兵卯時候吏還報曰前路消息雖未的知但聞賊兵

已敗歸 大駕已還京城云諸將皆不信曰金賊豈
有如是易敗之理此必訛言也遂更進三十里次清
州府內近處始得出城講和消息諸公皆北向痛哭
一時散歸公令片成大等領軍下去散給糧米又囑
馬匹器械各還其主獨與從姪及諸公信馬而歸十
五日始達于家

羅州羅南礪通文

嗚呼彼虜賊無義犬羊有慾溪壑辭假盟好所要者
幣繒侵及鎬京深入吾土地鑿輿播越一片孤城國
事蒼荒十行哀旨憂深北顧既失寇準之伐謀日望

南軍必念真卿之何狀此義士泣血捐軀之會豈臣
子奉頭偷命之時顧樊州素是忠義之鄉咸左袒方
效長上之歿植髮成干櫓士勇有餘張目匝天羅軍
聲自壯義旗爰舉立見草木之爲兵我武惟揚必致
風雲之助氣矧王師霧合全集茲賊勢浮寄孤懸殆
穴兔之帖危實鼎魚之假息胡命其能久當破竹而
履腸兵應者必勝此田禽之利執茲於今月初六日
率義旅啓途伏願列邑諸君子共奮裂裳之志益勵
歿綏之心爭齒劍投袂而從毋或後至趁淬刃不期
而會宜卽前行計無待於陳平白登之圍自解威有

丙子倡義錄卷之五
三十四
加於奉世沙車之首可傳與其爲無義氣之人骨若
作灰沙場之鬼書不盡意檄劉如章

崇禎十年正月初二日卯時前別座羅海鳳 單絨

崇禎紀元後三戊午七月日芸閣活印

湖南丙子倡義錄卷之五終

通文

國運不幸奴賊逼京
大駕移駐孤城賊兵合
圍道踞阻絕號令不

通存亡之機決於呼吸
言念及此五內如焚主
辱臣死古今通誼以有
血氣者固當忘身赴

難而唯我湖南素稱
忠義之邦曾在壬辰
義烈已著况此
君父在圍之日乎即者

通諭

教書自園中出來無非
哀痛之語其責望於
道內士民至深切矣

讀來不覺失聲痛哭
求死而不得也惟願
諸君子各自奮勵投袂
而起糾合同志資助兵

內三仙錄
三十一
糧剋期齊會于礪山
郡期以一心趨敵以救
君父之急如或遲回觀望
越視秦瘡則非但前

日忠烈之風掃地盡矣
且將得罪於倫紀不容於
鄉國書到毋淹晷刻毋
相推調協心一力共濟國

難不勝幸甚

崇禎九年十二月二十五日

玉果縣監李興淳

大同察訪李起淳

淳昌縣監崔溘

前翰林梁曼容

前察訪柳楫言

玉果部有司梁山益許暹許廷亮

金弘緒 鄭雲鵬

三月二十七日申時空首許書

昌平都府有司南燧 曹燧 柳東紀

玄績 梁千運 李重謙 安慶恭

南以寧 吳以斗

十二月二十七日亥時都府有司吳以斗

光州都府有司柳珩 申澤 鄭敏求

李德養 高傳立 高傳敏 朴綜

朴忠廉 朴忠挺 朴昌禹 李昂泰

李昂新 朴晋彬 奇義猷

十二月二十七日子時座首金一風

南平郝有司 崔身猷 徐晋明 徐荇

尹儉 洪南甲

十二月二十八日巳時義有司柳回

綾州郝有司 梁悌容 朱燁 文仁克

魏弘遠

丙子年金入通文原本

十二月二十八日酉時座首文家

和頌都有司曹守誠曹煥林時泰

崔鳴海

十二月辛巳亥時都有司曹萬

國福都有司金宗智丁之儁河潤九

丁好敏

十二月癸巳申時都有司丁嵩

此中一月盡一夜冷者傳母帝

丙子年金入通文原本

八

一列為年矣本見都有自成在志以地
 若必通海後傳念他足必必子年
 律時刻之惠是置名以自心以時
 列書堪書姓看名急傳念一
 意通海一日天之一時諸會經馬官

吾元通文亦有因夜以是念以為
 若授之知為齊

一以救書院日馬齋存日分能此通
 文中一以書之人名舊無也富會
 拱心辦事一此時文無地條出軍

丙子年事錄入通文原本
九一
之後為銜進士忠子校生等中自年
年少一之令人不自當裝束馳赴
其歸也之跡不合從軍者寫或代如
或運糧或以軍完或以戰馬從自
取為勇為事 一以勇為軍兵糧物

軍完或馬勿拘多少隨其所得者
多已一人這了高平路去來交付年
亦能事 一各是境內大小人負
中如勇力統倫計慮稍優
者為先姓名或冊裝束馳送事一今

蜀之夏能如甲子丁卯此不年一列
留沛軍相二事 一今毒首勞
義於前，心曲日如糾合乃有
首句事意是為臣民者不可操
忽或遠近皆得坐台機會也

後果 宗孫必難免各別物念
柔者了了 一列是都有自收令能
正為先馳通 一軍中必急者
莫如鬆約各是燒內字計一區是也
字或自石或十石或數三石久不隨其

卷之二 雜錄 通文

力言先海舟之危事

